

洛寧縣志卷之六

人民部

忠節志

古者志士仁人仕於人國運丁陽九不獲以經猷保社稷或賦式微而泣從故主或衝白刃而死殉封疆事雖不同氣之貫三光而洞九泉則一也郡邑志元明止三人余復為搜采牽連以書者又標二十餘人下及廝養不遺焉嗚乎彼雖微賤奮其天性之剛血氣之正亦奇男子也從白草荒燐中使英光迸發楮墨足以慰幽原矣若夫雷冲霓者草野匹夫未階一命殺敵致果肝腦塗地以殉

國其節尤有足多者大書特書用以儲

昭代史官珥筆之助焉

元

蔡子英 明史本傳元至正中進士察罕開府河南副參軍事累薦至行省

參政元亡從擴廓帖木兒走定西明兵克定西擴廓軍敗子英單騎走關中
亡入南遊太祖聞其名使人繪形求得之傳詣京師至江濱士去變姓名積
畚久之復被獲械過洛陽見湯和長揖不拜抑之跪不肯和怒執火焚其鬚
不動其妻適在洛請與相見子英避不肯見至京太祖命脫械以禮遇之授
以官不受退而上書曰陛下乘時應運削平羣英薄海內外莫不賓貢臣鼎
魚漏網假息南山曩者見獲復得脫亡七年之久重煩有司追跡而陛下以
萬乘之尊全匹夫之節不降天誅反療其疾易冠裳賜酒饌授以官爵陛下
之量包乎天地矣臣感恩無極非不欲自竭犬馬但名義所存不敢輒渝初
志自惟身奉韋布智識淺陋過蒙主將知薦仕至七命躍馬食肉十有五年
愧無尺寸以報國士之遇及國家破亡又復失節何面目見天下士今陛下
創業垂統正當挈持大經大法垂示子孫臣民奈何欲以無禮義寡廉恥之

俘囚而廁諸維新之朝賢士大夫之列哉臣日夜思維咎往昔之不死至於今日分宜自裁陛下待臣以恩禮臣固不敢賣死立名然亦不敢偷生苟祿若察臣之愚全臣之志禁錮海南畢其餘命則雖死之日猶生之年昔王蠋閉門以自縊李芾閤門以自屠彼非惡榮利而樂死亡顧義之所在雖湯鑊所不得避也眇焉之軀上愧古人死有餘恨惟陛下裁察帝覽其書益重之館之儀曹忽一夜大哭不止人問其故曰思舊君耳帝知不可奪洪武九年十二月命有司送出塞從故主於和林

明

張呂

馬熊

舊志嘉靖間俱以把總率鄉兵征倭陣亡予襲

新補

趙建極

明史蔡懋德傳永甯人由進士累官至太原布政使時闖賊攻太

原勢甚猖獗督師蔡懋德與建極等誓死固守城陷懋德死節建極危坐公堂賊擁之見自成一不屈將斬之下階呼萬歲者再曰臣失守封疆死有餘罪自成以為呼已也曳還建極瞋目大呼曰我呼大明皇帝甯呼賊耶立射殺之先賊掠永甯時建極五子皆死後生三子又天至是趙氏一門竟絕 中州人物攷建極字任同號石帆與兄三極以文行稱萬歷己未進士官山西布政使逆闖臨太原公抗節罵賊碎首及下以死

趙于巖

趙于藩

趙于渭

趙于磐

趙于宣

明史忠義傳賊掠永甯

建極五子皆死

按于巖等五人皆監生前志未經搜出今補查建極墓碑補入

張讚

明史忠義傳論弟仕治中流賊至同知縣武大烈等守城城陷同子

國學生祚延死之王通志讚字葆赤萬歷己酉舉人值寇變不屈死舊志讚為人沈默寡言受業於凡有忠孝大節官固始教諭憂去服闋改樂陵陞松

江府同知再陞治中

張詔 張祚延 張琬 張珏 張鼎延陳情疏云詔論弟祚延讚子琬珏皆

鼎延姪崇正十七年流賊破城同殉節

田如梓 田富春 採訪事實如梓庠生崇正末流賊破城與子富春殉難

死姪周仁亦自縊

張承芳張守才馬得進楊惟芝李三春楊羣星汪汝廂皆張論家僕從署

縣事歸德推官顏則孔禦賊城外殉難者張有譽王澤綿皆張論家僕城

破同殉者按流賊破城殺戮最慘張氏家婦女同殉者二十三人家僕隨死者四十餘人皆見張鼎延異井記故做各史傳僕婢附載殉節之例凡姓名可見者登之以表忠義其湮沒者不無遺憾焉

焦三泰 採訪事實崇正十三年流賊破宜陽邑令武公召集鄉勇三泰素

有武略慷慨應募與賊兵力戰邑界上手殺賊數人為火炮所傷而死亂定

族人覓得其屍載歸葬寺溝村西

國朝

雷冲霓

施府志永甯鄉民也有勇力善鎗康熙十四年七月降寇張開與

其黨潛通吳三桂作亂洛西震動都御史佟鳳彩命河南府通判任進孝同

守備郭永固討之守備營於北通判營於南冲霓見通判兵少自領子弟百

餘人詣營護衛會霖雨數日夜不止營內泥深一尺餘冲霓族弟某以蒸羊

犒師密謂冲霓曰天雨不止我軍謂賊不能出防禦日懈賊偵知夜必來劫

營凡何不去冲霓嘆曰吾固知之第任府君所將皆洛陽胥役不知兵賊來

必潰吾去是以府君委賊矣嚴兵以待賊即來未必能得志不然吾有死耳

是夜五鼓賊果至眾皆駭散通判倉皇不知所為納靴未畢賊突前犯之冲

霓獨挺鎗力戰急扳之馬上送以出通判遂入守備營獲免冲霓復獨入中

軍大呼殺賊應鎗而斃者八人賊四面環刺之身被百鎗遂見殺比曉守備

兵始至而嵩縣長鎗手來援者并力奮擊賊披靡大敗乃遁去會洛水漲溢

高數丈十餘日不下賊不得北渡而官軍至者益衆遂乞降都御史聞冲電
烈死給銀三十兩埋葬命僧道修齋以薦者三日

洛甯縣志卷之六

人民部

孝義志

周偃州長黨正族師皆得屬民讀灑以考其德行道義而勸之其孝弟睦姻有學者問史書之三年大比興其賢者能者鄉大夫率羣吏以賢能之書獻於王自取古而科目而此制廢若今之採擇德行登諸志乘猶閭史制也夫門內之行循循若無奇節而精誠所感遂可動天地格鬼神固長吏所當亟為表揚者矣至若捐粟還金折券施利濟諸事雖為小善亦可見

淳風大化所薰陶雍正年間孟津遺金不昧者仰蒙

詔書褒美宣付史館此雅中丞中州彰善錄一書所為作也今據輿論公舉者核其真而節取之或倣通志體彙載焉使里巷細民轉相則倣以厲善行其亦猶屬民讀灑之遺意也歟

明

王士能

明史孝義傳永甯孝子永樂間賜璽書褒美旌其門舊志士能父

病親視湯藥衣不解帶及歿哀毀骨立廬墓三年奉母解氏如事父永樂二

年知縣郝敬上其事人名其村曰孝子鎮并見李通志

王潔

胥瓚

明史孝義傳永甯孝子隆慶間賜璽書褒美旌其門

田理

舊府志字伯循甫三齡父卒母魏氏茹荼嚙孽母歿廬墓三年舊志

後貢入國學官平涼教諭以子子堅貴封御史年九十猶強健不衰

張士益

通志字進德孝行純篤為時所稱以子論贈通議大夫弱冠喪父

哀毀骨立事母段氏視膳問安晨昏罔間遇事羈宿於外歸必再拜謝不孝

得珍異必先奉母性剛方於人無少假然當盛怒母至則立平母邁疾籲天

願以身代疾尋愈因減味者三年嘗與人貨值二百金其人遇盜盡喪其資

置不問

許尚論 舊府志事親色養晨昏瞻戀數十年如一日二親老終哀慕篤摯
結廬墓側號泣三年有烏馴免擾之異

李春蕃 舊府志字西園永甯庠生天性孝友學問淵邃父鯨以鄉闈高等
任至甯國府同知綽有聲譽春蕃承其志于園中構堂曰繼先後以貢授故
城知縣

趙桓如 舊府志性至孝弱冠母病事奉湯藥不懈及卒結廬墓側號泣不
輟事聞旌孝

國朝

劉芳 古今孝友傳康熙己巳秋洛水暴漲漂竹木蔽河而下眾爭入水取
之芳父為巨浪所壓流去如矢觀者堵墻不能救芳追哭一里遂躍而入其
父聞有人語云急抱吾馬腕可渡父如其戒比達洲則所抱者芳脛也父子
俱不死有司表其閭舊志邑令佟賦偉自率縣民拜其家表其里曰孝子

村

劉孝子歌

劉洙

劉孝子擲身直向洪濤裏洪濤尋父那可憑但見匹馬如練相導行子援
手父回頭兩股相縮如安流逡巡同上岸邊立旁人相看色各失共詣賢
侯白如此此子生兮曹娥死

程湛

舊府志字止水永甯人伊川之後以孝稱由拔貢選安陸府倅入副

大理寺丞歷戶部主事員外擢兵部武庫郎居官敬慎以廉靜聞曾刻兩程
遺書

張靜遠

施府志永甯人生平喜周人急嘗出金贖人之賣孫者又拾金于

路待其主還之聞者咸義其行

韋九臯

施府志永甯人親歿負土成墳廬墓三年

張峻峯

施府志永甯人父營山田至晚未歸峻峯往尋見父死崖側遂一

躍而下負尸還墓號泣不食越二日嘔血死

韋整 舊志捐銀一百二十兩建普濟堂大吏請獎奉

旨准部議給主簿職銜

祁應龍 舊志兄弟各受地應龍以力穡致饒而應貴等蕩乏以地與人應

龍俸出貲為收地十餘年後設席邀族鄰出應貴等券數百金還之仍立文

契並戒子無違其志前中丞雅旌其門

徐明 舊志本姓張幼撫於徐家貧勤儉事繼父母孝養盡禮撫繼父孤

子為婚娶析產推肥本生父母貧按月饋資糧喪葬皆躬辦他如施棺資貧

事尤夥

田無終 舊志邑庠生四十無子納晉中閩姓女為妾年尚未及笄其父母

來永甯探親女悲痛不已無終惻然折其券使擇配且贈貲焉妻旋產一子

人以為好義之報云

以上十七人仍前志所載

李學易邑監生母張氏守節鞠之總角時即以孝聞及壯母病痿朝夕負以出入者二十餘年室不戒於火學易以衾裹母負之衝燭出鬚髮俱熱而母無恙母九十餘始歿事兄嫂如事母人負其四百餘金焚券不責逋

楊克琰邑貢生性至孝清明掃墓有虎踞塋內從者皆逃克琰不顧悽愴展謁虎亦避去從兄弟同居百餘口和睦無間言

楊韜字舍六年十五即代父執役縣官奇其貌為除籍教子孫孝友敦禮讓無惑婦言洛陽莫廣常為作傳贈修職郎

張懋志字凌漢康熙丁酉副車敦孝友重實行任扶溝教諭阿大中丞取為通省教職第一

孫肖元字仲高少聰穎力行孝弟能詩古文以拔貢入都考四庫館謄錄以疾歸卒遺藁散佚僅存焦桐入聽賦一篇

馬心傳字惟一 事父母盡孝好學不妄交嘗曰與其多識令人毋甯多識
古人為古文辭不隨俗俯仰數奇不展所蘊以明經終

韋九功邑優廩生母沒水漿不入口哀毀骨立中年喪妻不再娶事父二十餘
年盡孝父歿嘔血幾斃獨營殯葬四方來觀者眾學使郡守皆旌其門

廉沂年十七母病危侍湯藥不入私室不解衣帶者數月母歿事二繼母皆孝
禁無主墳踐踏捐貲造橋修道尤有鄉評

王元鼎隨叔與村眾樵於山虎突銜叔去元鼎裂眦大呼奮白挺擊虎首虎仆
地元鼎從虎口捉叔出負之行虎復追三里許元鼎置叔石龕中與虎格鬪
取石塊擊虎脇折虎負痛咆哮去竟負叔歸家醫治得痊終其天年

韋宸 雷整 宸邑廩生好學能文著有留影集康熙己酉宜陽亢賊作亂
宸與整激眾以義協力保城賊不敢伺居民安堵至今人猶德之

韋六寨子村人有勇力時宜陽亂民聚眾劫掠邑令高武青防禦岷山為賊擁

去式青妻趙氏有膽智聞變急出釵珥懸重賞募義勇守城六居首焉奮
勇捍禦奸人無敢乘機滋事者

劉爾壯三歲而孤母王氏守節撫之成立受傭養其母後以力勤稍裕奉母命
以粟賑里中饑者次年海饑又散粟無流徙者

朱廷琰庠生母韋氏晚年失明廷琰以舌舐之復能視物子灝甲子舉人孫殿
鰲乙酉拔貢

趙廷相父病癰侍養不避污穢父得以瘥捐義地施囊粟人尤德之
馬琬性篤謹有至行少失怙恃哀毀骨立事凡嫂尤謹晚年精醫不索賴以活
者百餘人

夏文會村農性至孝親得泄症躬洗濯侍湯藥奉菹飴親賴以痊

魏佩玉江西新建人幼隨父占永籍母墓在南不得歸省刻木像朝夕拜呼泣
奠出入必肅告見人呼母輒抱父痛哭父歿以母木像入棺同葬前督學徐

旌其門

武承福邑庠生能積儲起家以肥產分其兄弟四人自取荒頽又為償宿逋村人負承福債約八百餘金一日盡焚其券更以粟給之五十四年現邑令張旌其門

武樂水邑庠生事父盡孝有鞏縣某携妻逃荒而死樂水為營葬又賙其妻

程盡性邑廩貢敦孝行持大節一時以剛正稱未銓司訓而卒

黃永昌邑監生歲歉族人難食永昌體母志請以穀麥百餘石濟之復焚債券數百紙以承母歡

趙文俊以孝事母以和睦兄弟以忍訓子孫六世同居共爨閭邑稱為義門

賈維恭事母以孝廬墓三年風雪不避

孫世運家赤貧奉父母力營甘旨晚習長桑術能辨奇症活人無算不索

謝

楊宗德幼失恃事繼母曲盡色養與諸弟友愛擇瘠讓肥人難之

馬聖和邑庠生事父母以孝聞設義塾以訓鄉子弟多所成就

生員陳紹虞 監生田呈祥 鄉民李暉張珪皆事親孝殯葬盡禮者

夏文元 夏文魁皆年踰八十兄弟友愛者

張憐友愛弟姪者

衛聖志能全族孀婦之節者

楊奇顯 張循美皆捐麥濟貧折券者

鄉民朱千 監生王爾顯 廩生李敏 儒童衛甘棠皆拾遺金還故

王者

趙國鼎 趙洪 趙潛 趙子元 趙繼愷 崔有志 武景勳 衛來

璽 張遇祿皆建廟庵施茶漿濟渴者

夏文星 李慈 楊景星皆開渠修橋者

崔有志 衛秉忠皆建茶亭修橋者

庠生趙清輔 監生趙清臣捐竹園地作通渠者

朱天祥施地為義塚者

廩生張德天性孝友能詩文者

歲貢韓欽以採樵養親端品重義者

以上五十九人皆採訪事實補之

海
寧
縣
志

卷
三

一

立
口
戶
口
食
口

洛陽縣志卷之六

人民部

列女志

劉向列女傳召南申女許嫁於鄆夫家不備禮而欲迎之女持義不往賦行露之詩故舉而揚之以勵貞行我國家禮義為陶淬勤旌為激厲有司歲上芳節遍乎寰宇猶成周盛時風焉邑召南首邑遺教猶存其禦暴捐軀如顏張二烈婦之奇曲烈女之勇爭光日月大書特書固已瑰麗激烈矣至尋常貞節傳體從簡然數十年青燈紅淚剛正凜肅之氣得簡編數語為表揚榮慰泉壤焜燿鄉閭詎不足示名節之重而立廉恥之防也哉載之不嫌其多亦周官閭史之意云爾

明

貞女張氏名廂兒張廷仁女幼許聘王自選稍長舉止端凝性氣剛烈年十四

未配自選以事繫獄死女欲赴柩所死父母知之不與往女泣曰兒固王郎身也義當為王郎死父不許女志益堅一日投僻室自縊卒父母乃以屍歸王與自選合葬嘉靖十九年知縣李元上其事令建祠祀之立碑於墓側張門七節張讚妻郭氏城陷罵賊被殺妾趙氏子婦程氏姪婦史氏及妾盧氏二女俱死

趙三妻孫氏年二十二夫亡氏矢死靡他守節三十五載永樂元年旌表

諸生馬雲錦妻鎮氏長沙道鎮青緡女慧而賢明末寇攻王范岩氏年二十有四毅然曰吾豈可緩須臾死耳賊之言見賊之面乎遂偕夫攜子女投井死婢逃出傳其事婦女感而投井者甚多

李氏李國臣女年及笄未嫁流賊至愛其姿色挾之上馬女大罵自墜馬數四賊怒割去一目復擁之上馬女罵愈厲賊益怒兩目並割之女曰我必不從汝何不早殺賊遂斫為三段以死

張世延妻史氏流寇陷寨世延被殺氏抱夫屍哭亦遇害

以上見王通志

田門三節田有秋妻楊氏年十九夫歿遺子之契甫周歲守節撫孤長娶馬氏年二十二生子勃然甫三歲之契亦歿馬氏事孀姑鞠幼子之死無他已而勃然復天遺妻郭氏年二十七歲勵志守節以祖姑與姑為法育孤兒成立邑令劉旌其門

姑姪雙節徐自化妻王氏年二十四夫亡子幼家貧依母氏以居紡績餬口閉戶不出親族罕得見其面子復夫守節益堅五十餘年如一日其姪女趙宗周妻適趙甫二年夫故誓以死殉姑防之密氏少進飲食俟防者稍懈乃密持砒霜入酒中飲之死於柩前隆慶四年奉詔旌表仍附祭宗周妻於會城貞烈祠

趙門雙節趙耀妻徐氏耀子漢卿妻李氏兩世孀節曾孫建極以門奉詔旌

表

金門雙節金台用妻劉氏年二十三夫故金台選妻趙氏年二十一夫故俱無子各守一女誓不改節歷三十餘年流賊破城携手投井死

傅宣妻侯氏年二十一夫歿隣富欲娶之宣兄璘將許焉氏聞大慟以首觸地絕而復甦夜半自縊房中家人驚覺救免璘由是不敢復言力勤家務撫教二子宏治十六年旌表

謝君錫妻鄭氏年十九夫歿預歛時欲入棺以殉不得復投於壙親屬強之還一日密紉衣帶夜給保姆往視姑寢登樓自縊死嘉靖三十一年旌表

諸生梅九芝母賈氏事舅姑至孝姑病且殆忽思紫蘊羹時嚴冬大雪氏流涕步禱求之至嶽廟得焉如夢以進疾尋愈

趙亮妻吳氏死氏年二十子繼賢方在襁褓甘貧茹苦鞠育教誨長官保定府通判一日持腸奉母曰微子兒不得有今日母子相持痛哭人為感泣年

九十二卒奏旌表

韋江妻譚氏年十九夫歿氏毀容垢面撫育孤兒名尚質及長入成均年六十餘卒旌表

諸生陳鷗妻趙氏年二十三夫卒氏悲痛幾殞日勤紡績課三子耕讀仲廩於學宮伯李亦各成立知縣崔宜聞其事於上

廩生鎮一理妻梁氏年二十夫故痛哭欲殉者數四時子青縉方五歲親族勸以當忍死撫孤同盡何益氏悟乃不死提青縉口授字句晨夕不倦家故饒為夫叔父某再從兄某侵奪幾盡氏口無怨言與婢妾同甘苦以憂勞成疾卒青縉後舉進士仕至長沙道

雷國玉妻金氏年二十二夫故紡績養姑撫育幼子淡薄刻苦四十年不與宴會子動早歲即食餼於庠

廩生李學禮妻魯氏年二十七夫故家負事繼姑孝課三子耕讀苦節四十三

年季子延芳歲貢入國學

田生玉妻宋氏旌表建坊

王之臣妻牛氏旌表建坊

諸生王澤遠母趙氏澤遠甫二歲父卒母年二十家貧守節紡績教子晝夜不

少懈澤遠弱冠入學母壽七十三乃終

邢烏言母趙氏與王澤遠母姊妹也年十九喪夫族人疾其產逼改嫁誓死守

節七十年如一日

郭乾亨妻全氏二十七歲夫死遺子二尚在襁褓氏誓不改適撫育成立六十
八歲終

王廷譽妻趙氏年二十五夫卒遺子尚幼守節撫育七十一歲終

御史張論側室石氏性明決知大體流賊攻縣城語侍婢曰吾忝大臣巾櫛誼
不可辱賊手城破投井死比賊退出諸井中顏色如生御史甯承勳題請

旌表

諸生趙于莘妻張氏聞流賊將至以死自誓城破同女赴井死

生員張璿妻郭氏都御史郭景昌女夙有志操年十四歸璿言笑不妄舉止肅然事舅姑孝甫婚兩月流賊逼永甯語璿曰狂賊至婦女必為所汙請先畢命璿止之氏厲聲曰妾一身兩家名節所係決無辱賊手指池水曰此妾死所也語畢遂躍入以死題請旌表後璿入

國朝仕至盧鳳道

諸生鎖珍妻李氏年二十二夫故生一子一女甫五月守節奉姑奠子成立子八歲殤痛悼致疾病篤泣語姑曰遺女有姑在無慮惟不得事姑終身為恨耳比歛兩目尚不瞑

諸生鎖瑜妻王氏年二十一夫為寇所殺聞變痛哭幾死而甦子孟春生甫周歲守節撫養後四年流賊破城母子遂相失或有諷以他適者痛哭曰吾守

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十

洛寧縣志 卷六 列女 十一 四 中 石 印 有 日
死以待孤還已耳久之孟春自黃州府歸

高平知縣韋炳妻程氏居爐底砦崇己巳間流賊至語炳及二子曰汝父子各
自為計無慮我指砦旁深崖曰此吾死所也賊近砦即先投崖死

金世林妻李氏流賊破城投井死

諸生趙威如妻宋氏流賊破城投井死

諸生趙廷榭妻金氏誓不從賊自刎死

諸生孟國賢妻李氏夫故家貧撫孤成立守節二十年流賊破城赴火死

程養味妻康氏與安總兵程福亮母養味早卒氏少寡以苦節稱明末盜起

嵩縣賊蔣雙溪等聚眾數千陷東寨執氏脅以白刃氏大罵不屈投深

崖死越兩月里人劍崖下屍皆腐爛惟氏容色不變如笑語狀眾異之負

而葬焉時福亮問賊中求母不得乃西走見興安帥任某任某奇之曰子

姑留子異日亦當鎮此子之仇吾為移師戮之後賊黨潰雙溪奔河底村

村人殺之福亮至是始知母死狀乃斬賊首置塚上哭拜而去復歸興安國朝以軍功累官本鎮帥如任言遇

覃恩以子貴贈太夫人

劉明序妻段氏年十八夫故誓不他適有議婚者輒峻拒之未幾翁姑私受人聘約期道之氏覺遂自經鄰婦救之復甦是夜竟扼吭死

曹英妻吉氏適英生二子英病卒氏年二十四家貧親紡績二子傭力自給守節六十年以終萬歷四年旌表

廩生徐方之妻尚氏夫故家貧撫孤守節四十年縣令旌之
以上見舊府志

張詔妻潭氏 採訪事實流賊破城張論弟詔罵賊死妻潭氏亦投井死

新補

國朝

鎖門雙節屏生鎖瑜妻任氏夫歿年二十一事姑孝子去矜亦早卒與媳張氏同撫孤孫任苦節五十年張苦節三十六年孫屏翰列明經乾隆元年姑媳彙題建坊

旌表

廩生韋履禮妻廉氏履禮早亡氏年二十八歲誓以身殉姑再四溫慰力勸乃止家貧紡績度日姑有疾侍奉湯藥衣不解帶至久彌篤教兒成立年四十八歲卒雍正四年題請

旌表

韋履禧妻王氏年二十五歲夫歿孀姑弱息家貧無依誓無他志教長子啟入庠食餼仲子徹季子畋各成立苦節四十年雍正十二年題請

旌表入祠

以上見王通志

趙門三節趙從義妻姚氏崇正十三年夫死於流寇遺孤國鼎氏年二十八飢饉顛沛皎志不磨撫孤成立教孫湊列明經淳為諸生守五十二年沒淳娶妻閻氏數年歿氏年二十七紡績餬口撫湊孫繼祖奉祀繼祖又歿妻齊氏年十七斷髮自誓共持苦節閻氏八十二齊氏亦五十四學使蔡旌其門

三氏雙節王廷璧妻李氏年十九夫故矢志守節撫姪為嗣守節四十年六十
三歲王廷璽妻衛氏年十八夫故與孀嫂李氏相依亦撫姪為嗣守節三十
年

趙門雙節生員趙應斗妻楊氏年二十六夫故守節四十餘年子文莊早歿媳
楊氏年二十而寡與姑同志亦守節四十五年學使汪旌其門

進士馬起龍妻趙氏年二十六歲夫故勵志守貞上事哀舅下撫弱孤邑令
顧旌其門

馬辰妻張氏湘潭令張琰女年十九于歸甫月餘夫故氏號慟幾絕密藏剪刀

於袖哭夫屍旁出剪斷喉不即死親黨欲療治之自絕湯藥而殞邑令顧旌其門

李進敬妻張氏年十七于歸夫病久氏以女工供湯藥經年因懈夫卒竭蹶營葬有欲強奪其志者氏聞而投繯已絕救甦氏又嚼其舌血淋漓絕飲食而死知縣郭旌其門

張元尹妻李氏孀居數載矢志靡他撫姪為嗣逆僕張忠智窺其色艾乘夜踰墻抵氏室逼之氏驚覺大呼逆骨以白刃誓死不從罵不絕聲逆以及戳之引頸就刃而絕氏女年十五亦驚起疾呼其夫弟張元卿排闥入逆皇遽遺函器而逸邑令左上其事磔逆於市嘉氏節烈乾隆三年建坊

旌表入節孝祠

張懷宗妻劉氏年二十一而寡守節三十五年教子振武邑庠生乾隆七年建坊

旌表

韋盡妻雷氏年二十六歲夫歿事長兄舅鞠遺孤姪亦少孤氏念其無依皆為婚娶守節四十餘乾隆九年建坊

旌表

吉道妻楊氏二十六夫故子帝廷生甫十月苦志撫孤立能成立守節四十餘年年六十七乾隆九年建坊

旌表

王藉妻李氏年二十歲夫歿母親撫孤守節三十七年孫印邑庠生乾隆十年建坊

旌表

李兆首妻加氏年二十八歲夫故矢志守節遺孤一歲撫之成立守節五十五年

李培初妻廉氏年二十歲夫故事戾舅撫遺孤守節苦志四十餘年子光儀
為邑增廣生學使張旌其門

妻張氏年二十四歲夫故事姑杜氏孝繼娶姑王氏有瘋疾氏曲盡孝養
守節三十一年訓子洪禮為諸生學使張旌其門

晝易妻趙氏年二十二歲夫故守節七十八歲卒

吉無愆妻王氏年二十三歲夫故遺腹子吉珍孤苦無依氏紡績撫之成立苦
節三十餘年

馬盡節妻韋氏年二十二歲夫故子經邦甫二歲氏勤儉自持撫孤守節三十
餘年

山賓妻楊氏年二十二歲夫故子文盛甫一歲守節二十九年五十一歲
卒

李雍妻楊氏年二十一歲夫故子士傑又早亡守節四十餘年邑令佟

旌其門

張連妻楊氏二十二歲夫故子大志生未周歲撫之成立守節五十餘年學使張旌其門

夏福洪妻趙氏年二十七夫故撫姪為嗣守節五十餘年伯叔妯娌相繼疫死者九人氏皆竭蹶殯葬知縣郭旌其門

德清縣丞趙應嵩妻范氏夫歿官署氏年二十八歲扶櫬還鄉守節四十餘年

趙廷璧妻許氏年二十三歲夫故守節四十餘年

李如猷妻王氏年二十七歲夫故守節五十餘年

趙永福妻馬氏年二十一歲夫故子鈿尚未周歲撫之成立為邑庠生守節三十餘年

郭穀璧妻馬氏年十九夫故守節五十餘年

洛陽縣志 卷六
田嗣育妻趙氏年二十夫故守節四十餘年

徐拱貴妻楊氏年二十二夫故守節四十餘年學使張旌其門

李珍妻張氏年二十夫故子凌雲生甫三月撫之成立為邑庠生守節三十餘年

范廷結妻賀氏年二十六夫故守節三十餘年

金方托妻徐氏年二十八夫故守節四十餘年

邑庠生田淳妻顏氏年二十九夫故守節四十餘年

陳自林媳李氏事舅姑克盡孝道翁病割股和藥以進遂瘳後壽至八十

有六姑年老患目療治不痊氏又割股以進目疾竟痊壽亦至九十

吏員高進忠妻崔氏姑祁氏因山水入宅順流如矢氏躍於水中援姑竟得保

全邑令王旌其門

里民郭無爭妻余氏年十九夫亡守節四十一年

邑儒李著妻趙氏年二十夫故上事孀姑下撫孤兒守節三十一載

程兆元妻王氏年二十五歲夫故子甫一歲氏上事舅姑下撫遺孤備嘗艱苦守節三十餘年

楊克儉妻王氏年二十夫故撫姪為嗣苦節三十餘年邑令沈旌其門

衛芝瑾妻王氏年二十六歲夫故子尚在襁褓氏撫之成立苦節五十一年

宋廷瑞妻尚氏夫故遺孤永惠甫一歲氏年二十四歲齧指誓節孝事姑孀鞠育孱息使得列庠食廩守節五十七年年八十一歲歿邑令左旌其門

故懷遠將軍程憶妻張氏事姑至孝姑病齋沐告神請以身代克相其夫在代州時嘗脫簪珥助賑人稱其賢教子孫更有法以故程氏稱善族焉恭人子有譽諸生

邑人常簡妻李氏年二十七歲夫亡撫七歲孤時寇氛未靖顛沛中能完節操四十餘年年七十五卒

邑士李富妻劉氏夫歿年十九撫遺孤家徒壁立茹藥飲水三十六年邑令張旌其門

王欽妻陰氏夫亡抱屍痛哭旋自縊死於夫側乾隆十九年旌表

吳明妻金氏青年守節事親撫孤始終不渝乾隆二十五年旌表

杜無偏妻李氏夫亡氏年方韶勵志守節撫孤成立乾隆二十五年旌表

程大士妻金氏年二十六歲夫故守節三十餘年今六十二歲

郭廷祥妻李氏年二十一歲夫故子自道甫一歲守節三十三年今五十四

歲

庠生李君弼妻郭氏年二十六夫亡矢志守節奉事孀姑三十四載現年六十歲

田浩妻張氏年二十六歲夫故撫孤成立守節三十一年現年五十六歲

以上見續通志舊縣志

張門雙節張繹妻夏氏青年矢志奉親育孤備極艱苦其子歷又歿婦李氏繼姑誓守鞠子繼遠成立各歷節數十年

趙門雙節趙普明妻馮氏年二十六夫歿誓不二志撫孤思義入庠守節四十年思義妻劉氏二十二歲又寡事孀姑教二子長清輔入庠次清臣入太學守節五十餘年

儒童田成妻任氏年二十而寡矢志靡他上事繼姑下撫二孤機杼枲麻不輟四十餘年苦節今子雲美補弟子員

楊文輝妻張氏二十六而寡呱呱在抱莞然一身辛苦撫孤成立尤能收無親族姪養之長為授室

趙縉妻溫氏二十一歲夫服賈內黃客死氏痛夫棺暴露自為人傭織數年得微貲乃徒步奉夫柩歸葬姑病癱不避污穢扶掖饋食罔懈姑得愈撫子成立守節四十三年

庠生趙鵬飛妻渠氏二十二而寡其姑即節婦雷氏也氏依雷氏如母女姑年七十以哀傷劇病氏侍晝夜十六年殮時衣履皆手先製之教子尤嚴宅中及孫曉來皆入庠學使周旌其門守節四十七年

張文煥妻武氏年二十三夫歿足不踰門樞人罕見其面雖窘苦能周卹孤寡守節五十五年

喬英賢妻彭氏年十八夫歿寡言笑嘗艱苦鞠孤息守節四十四年

貢生鎖星樞妻孟氏年二十八歲夫歿姑老在堂嬰兒襁褓孝慈備至守節

五十餘年

鎖金樞妻郭氏年二十四而寡仰事俯育孝而兼慈守節四十二年歿

孟灝妻雷氏年二十夫歿髡面自誓孝養癱姑十餘年不避污穢與舅殯葬

俱合禮守節四十年

郭克士妻吳年二十六夫歿遺孤多疾氏推燥就濕撫養成立守節四十年

劉元喜妻李氏年二十三夫歿三月生子克敬誓志守節事親撫孤四十七年

母子俱病故遺二子族人哀之為克敬立嗣

據新採事實補易

庠生張雲鵬母韋氏年十八而寡誓不二志孝孀姑撫幼息守節五十餘年

賀大相妻楊氏年十六而寡孝翁姑教子有方守節四十餘年

雷鳴時妻韋氏年二十而寡姑老且病侍湯藥奉甘旨撫弱息授室生孫歷節

五十年

生員郭蕤妻程氏十六歲而寡事舅姑養菜盡禮撫孤成立守節六十一年學

使旌其門

程魁妻楊氏年十六夫歿孝事舅姑慈撫遺孤勁操始終不渝歷節四十年許天牲妻吳氏年二十而寡矢志不二養親撫孤白首完節

郭逢時妻楊氏年二十三而寡事尊嫜盡禮撫繼子成立守節六十餘年程可久妻金氏年二十夫亡事翁姑撫嗣子百折不撓歷節至老益厲

王士魁妻公氏年二十而寡苦志誓守事雙親鞠孤兒歷節四十年

張全振妻楊氏十六歲而寡養老撫孤家貧境蹇人所難堪完節四十年郭廷佐妻王氏年二十一夫歿撫幼子慈嚴兼至歷節三十餘年

雷謹妻張氏年二十而寡苦厲冰操事孀姑以孝聞撫嗣成立雖流離顛沛至老而節不懈

監生郭懋志妻雷氏年十八而寡撫孤教之有方守節四十餘年

楊健妻黃氏夫歿誓不二志事孀姑教遺息以孝慈聞歷節四十年

雷延祚妻段氏年十八而寡能厲冰操養親撫孤守節六十餘年老而不懈

孟道著妻鄒氏年十九而寡以死誓守孝親撫孤盤錯屢試始終不渝歷節四十五年前令陳旌其門

王玉妻趙氏有姿色同村暴李隴艷其艾乘間欲強逼之氏抵死詈罵暴驚遁氏羞忿投繯死乾隆十八年

旌表

張忬妻陳氏夫樵於山為崩樹壓死眾昇歸家氏抱屍長號縊死於側乾隆三十一年

旌表

陳法妻王氏青年有色里暴崔選侯其夫他出入室欲強污之氏呼罵不從暴遁氏羞忿次日自縊死乾隆三十二年

旌表

儒童張檢妻顏氏夫赴郡試氏與姑居逆傭楚金梁艷其色夜持刀入室伏桁
下衣堆中氏自姑房歸室寢逆登床出刀脅姦氏驚覺大詬罵奮身奪刀逆
連刺其身凡十餘創血肉淋漓罵不絕口逆刀勒其喉而死逃歸宜陽擒鞫
伏罪乾隆三十六年

旌表邑令陳為文親吊其墓後磔逆於市

曲登姐曲廷順女年十三鬻父瓜田父以心疾歸留女獨守隣暴李進友欺
其幼前執其臂調之女躍柿樹上以避暴力曳之下女大呼罵暴遁女哭
訴父欲鳴諸官父恐醜聲外揚無來聘者女憤怒持刀自刎於暴之門暴怖
罪旋刎女門若伏辜然乾隆四十年

旌表

程穀妻雷氏年二十歲夫歿孝事雙親撫育孤兒俾克成立乾隆四十四年

旌表

廩生韋綬繼室常氏年二十一夫歿誓守不二持家以禮教子有方乾隆四十

五年

旌表

郭進昌妻李氏適郭生一女一子而夫歿厲志守節依孀與女居夫弟小孝貪
忍不之顧獨計姦色未衰嫁之可獲重金迺以言諷氏正色怒詬小孝竟與
族惡進祿私成劑於外約娶者強迎挾之出氏忽為不怒狀陰懷薙髮小刀
陽陽上馬出村口俟從人他顧出刀自搵其喉墮馬死乾隆五十二年

旌表科小孝以下罪

儒童楊望妻張氏生員忠恕之母青年守志舅姑體皆不仁氏扶持柳搔櫛沐
饋食身任勞瘁無懈教孤子慈嚴兼至迄今守節四十六年

生員韋耀先妻雷氏生員經邦之母年二十而寡事高堂撫孤子勤女紅和族

黨夫弟二人皆弱齡能兼措持謀婚娶置田產貞而有才自四十四年入府志後令已守節五十五年邑令張旌其門

武生張愷妻韋氏年二十四夫歿無子姑多病舅為費於外氏佐姑育夫弟二人成立娣似媒孽於姑者氏擇瘠讓肥不與較卒和好取侄為嗣守節已五十三年

以上補施府志事實

孟灝妻雷氏年二十而寡矢志靡他甘荼如薺事親以孝聞教養孤兒克承宗祧守節四十年乾隆四十四年題請

旌表奉

旨建坊

王有鰲妻李氏二十歲夫歿以剪髮毀容誓不二志績紡事親甘貧無怨撫孤成立苦節四十二年乾隆五十二年題請

旌表奉

旨建坊

以上新奉旌表

馬門三世節馬天健妻何氏年二十一夫歿事尊孀鞠遺孤守節七十四年天健子元祥妻田氏年二十五夫歿遺孤五歲事姑以孝聞前令張旌其門守節四十六年元祥子安妻鄭氏年二十一夫歿祖姑何氏既七十餘姑田氏因喪子病痿不能運動氏以隻身事兩世姑扶持負荷晝夜劬勞取族姪承嗣現守節三十五年

吳門三節吳良玉妻宋氏子敏妻白氏敏子學成妻羅氏皆撫數月孤事孀姑孝宋三十年完節白三十三年完節羅今已三十一年

王門雙節王綸妻姚氏年二十五歲夫歿弟懋妻張氏二十一歲夫亦歿綸遺一子文俊懋遺一子文魁姊姒同勵冰操備嘗艱苦亡何文魁殤張哀傷幾

死既曰舅姑菴矣吾不能與妯同心侍奉何以見良人於地下與姚同鞠一子子生二孫分以承嗣守節皆三十三年

党門雙節党永祺妻馬氏年二十五夫歿遺孤振方幼鞠育成立為娶婦雷氏生子迪中振又歿雷年二十六繼姑守志白頭雙倚車莞盡瘁育子成家馬壽八十五守節六十一年雷壽七十一守節四十五年

王門雙節儒童王永信妻戴氏夫歿勤操作撫弱息珺為娶婦郭氏珺未幾歿郭自雉家人救之迺取姪金選為嗣郭事戴極孝姑婦相依戴守節五十年郭守節三十八年教嗣入庠邑令張旌其門

王門雙節王思明妻曲氏年二十而寡遺子言綸方週年氏孝親撫孤備嘗艱瘁娶婦馬氏未幾言綸又歿馬氏善承姑志紡績養姑育子曲氏守節五十年馬氏守節三十八年

楊門雙節楊天綸妻張氏年二十二夫歿勵志自誓辟蠶鳴杼晝夜罔怠育孤

克己娶媳范氏亦十九而寡姑媳同心勁操益烈張守節五十七年范守節三十九年

鎮門雙節庠生鎮守身妻李氏年二十八夫歿事孀姑撫二子長廷樞授室而歿媳張氏方二十二歲能與姑同節次天樞入庠學使旌其門李氏守節四十四年張氏守節亦二十餘年

楊門雙節儒童楊茂仁妻張氏年二十四夫歿翁姑哭子慟氏忍淚抱孤雛娛之生養死葬皆中禮子志聖娶周氏二載又歿氏年十九矢志繼姑撫姪為嗣事姑以孝聞張守節五十年周守節三十五年

田門雙節田兆鳳妻王氏年二十六歲夫歿厲志自守撫育遺孤曰梅娶婦李氏年十七六寡感姑之貞奉母節婦齊氏訓亦矢志節養親撫孤王守節七十歲而終李今守節已三十八年

郭門雙節郭喜雲妻關氏年二十夫歿矢志鞠孤舅有痼疾氏奉事維謹為

子一俊娶周氏二十五歲亦寡歲荒叔氏逼周改醮姑婦以死誓謀迺寢閔後病癰周事之如姑事舅閔守節七十年周守節六十年皆以耆壽終

楊門雙節楊如蘭妻張氏年十九夫歿剪髮嚙齒以誓堅操孝事舅姑撫遺孤太學生天祿娶張氏生三子而寡與姑以勤儉操作教子保倫入太學姑九十一歲歿媳六十七歲守節四十餘年

黃門雙節黃帝臣妻楊氏年二十七夫歿養癸雙親恩勤遺息竭盡勞瘁子時中又歿氏率寡媳趙氏誓守氏年七十一歿守節四十四年媳守節已二十一年

王門雙節儒童王三剛妻楊氏年二十一而寡事孀姑以孝聞姑歿殯奠盡禮子謹娶楊氏即氏之姪十七歲謹又歿氏欲以身殉姑勸而止取姪為嗣事姑盡孝教子步鰲甫冠入庠妻楊氏亦以孝稱姑守節五十五年歿媳令壽八十一守節六十四年邑令儒學疊旌其門

張門雙節儒童英振妻九氏年二十二夫歿遺孤四歲母家憐其貧令他適氏怒歸絕不往事舅姑織悉合禮孤林宗娶婦李氏二十六而寡李繼姑操事之以孝撫遺孤成立九守節四十一年李守節三十四年

張門雙節夢元妻馬氏年二十七夫歿遺孤應福鞠育成立娶婦王氏年二十三亦寡繼姑勵操馬年八十二卒王今已歷節三十一年邑令張旌其門
韋門雙節珮珠妻雷氏年二十二而寡伶仃孤苦以夫弟珮琉幼姪為嗣珮琉妻李氏二十二亦寡遺孤四月同雷殯老舅事育姑撫弱息今皆成立雷與李皆守節二十餘年

燕門雙節有盛妻劉氏年二十七夫歿事舅姑孝撫嗣廷勳成立娶婦楊氏年二十二亦寡楊能繼姑操紡織以鞠孤楊守節已三十六年

李門雙節李珠貝妻李氏年二十四夫歿事親撫孤媳賈氏年十八夫亦歿能繼姑節李節四十七年賈守節二十一年

山氏雙節山國亮妻王氏子蒲妻負氏各守節三十餘年

吉文輝妻張氏二十六歲夫歿舅姑八旬孤定國四歲氏備嘗荼苦養葬盡禮力孱弱冬收雪夏接雷以爨子入庠守節五十五年

曲莊妻孫氏二十二歲夫歿遺雛方八月貧斃無依夜勤紡織日縑孤兒采野蔬以食教子成立苦節三十年歿

翟仁妻郭氏年二十夫臨歿以父母為屬氏號泣從命屏棄鉛華竭奉滫瀡撫彌月姪為嗣劬勞鞠育教以誦讀守節三十一年

張璧妻童氏年二十六夫歿遺孤二以紡績所入事尊嫜盡孝道喪祭合禮訓子慈嚴兼至守節五十八年

李天恩妻樊氏年十六于歸夫瞽廢氏扶掖哺食罔懈四年夫歿氏厲志守貞奉舅姑撫繼嗣電光石火身膺幼痺為嗣娶妻竟以勞死年四十三歲

王有禮妻汪氏二十五歲夫歿遺孤成僅一歲其家人已許嫁他姓氏勞面自

誓號泣捨地聞者皆驚歎勤紡績以鞠孤苦節三十七年六十一歲卒

儒童李秉義妻郭氏年十八歲夫墜崖死氏號泣亦投崖下不死眾援之上月
餘遺腹生子氏忍死鞠養舅姑病躬調藥餌嫂中年喪明氏撫姪如己子舅
姑得中天年子姪俱成家室守節三十六年

白洪壽妻尚氏年二十七歲夫歿念遺孤幼舅姑衰菴矢志事親育孤勤織紉
晝夜弗懈守節三十九年

儒童白士起妻陳氏年十八夫歿投井被拯遂矢志不二姑得瘋疾氏朝夕奉
湯藥維謹事舅亦如之撫嗣子如己出守節三十四年

儒童雷聲驚妻程氏年十八生子百里數月而夫歿仆地幾絕蓋棺時眾見尸
旁衣有鮮血詢之迺氏自截一指入棺以示同穴意皆哭失聲祖舅臨死叮
囑以孤孫囑氏嘆曰婦尚有他志耶即拔簪刺右頰入眾急奪其簪頰已洞
而無血咸詫為神教百里入庠守節三十七年歿

儒童韋敦妻雷氏年十七夫歿遺孤厲志苦守事孀姑撫弱息朝夕織紉寒暑無間前令傅旌其門守節七十一年

朱元英妻張氏年二十一夫歿遺孤紹文景文氏苦厲冰操奉雙親養盡禮為子延師紡績佐讀二子先後入庠歷節五十八年

馬文祥妻劉氏二十四歲夫歿守三歲孤單煢刻苦事舅姑以孝聞動拵作嚴取與鄉党賢之守節三十七年

魏丙南妻王氏年二十四而寡遺孤三錫氏推燥就濕備極恩勤事孀姑色養兼至夫歿時家故貧以紡績經營稍豐三錫入成均氏六十三歲歿守節四十年

趙祿昇妻陳氏夫以痼疾死氏年二十四薄田三畝孑然一身奉翁姑不以委伯氏紡績度日隆冬手足皆皸瘃面目黧醜鄰里哀之撫姪為嗣鞠之成立守節四十二年而歿

趙紹聖妻梁氏二十五歲夫歿姑老子幼矢他靡他事親盡禮持家以勤子得
成立守節三十三年

梁永順妻吳氏年二十五夫歿遺子方週驚釵珥以奉舅姑晝負耒夜理機不
少懈子成立守節三十二年而歿

郭豫章妻劉氏年二十夫歿姑老病侍藥調膳殯葬合禮鞠孤子教以義方守
節四十一年

儒童李進哲妻張氏年七十七歲歿自二十九歲孀居紡績教子守節
四十八年

洪統妻李氏年二十而寡事雙親撫孤離力耕勤織竭力以襄大事子亦
成立守節五十五年七十七歲而歿

李三戒妻王氏夫歿矢志撫二子家無斗筲值歲歉以造紙箔為業能成家
計守節四十四年而歿

賈士奇妻鄧氏夫歿矢志撫三子家徒四壁日不再食紡績以餬其孤自甘粗糲子皆成立守節三十三年

王克敏妻劉氏年十七于歸不一月而夫歿眾皆慮其青年難守氏毅然以死自誓事孀姑孝聞於鄉十年無少懈撫姪為嗣以勞瘁死年僅二十七歲

袁繼德妻王氏年十八舅患勞傷參苓罔效氏祈以身代不愈因割股和藥啖之病良已

儒童胡永清妻袁氏十五歸胡事舅姑即以孝聞夫應郡試姑染疾醫言不起氏焚香願天割股以進姑立瘳

儒童白如珍胡氏年二十三夫歿遺藐孤誓志鞠養成立舅年八十餘飲食起居皆賴氏扶持佐餒守節三十九年

袁學成妻馬氏年二十二夫歿奉事尊嫜撫育孤息守節五十二年

張興儒妻王氏年二十六夫及兩弟皆歿姑以哀慟撻疾氏躬奉湯藥姑得痊撫孤成立守節三十五年

李經妻張氏年二十六夫歿遺二孤舅已七十餘氏事之孝養葬盡禮教子學禮候銓學易入成均邑令旌其門守節七十一年

彭萬興妻賢裔程氏年十九夫歿矢志靡他奉姑盡孝撫育成立邑令旌其門守節四十八年卒

程萬春妻彭氏年二十八夫歿矢志撫孤家貧以紡績事繼姑已而其子授室旋夫取姪承嗣含辛終身守節四十六年

儒童張君聘妻楊氏年二十三而寡撫姪為嗣事尊婦盡禮布衣蔬食歲管罔懈儒學王旌其門守節五十四年

儒童鎮顯妻張氏二十一而寡以姪有學承祧紡績教有學補弟子員孫經樞亦入庠皆其力也事舅姑以孝稱守節四十八年

李有德妻柴氏二十二歲夫歿事孀姑色養備至勤儉持家教子成立守節二十六年歿

儒童王前妻葉氏年二十而寡舅姑皆龍鍾飲食扶掖氏一人任其事撫姪為

嗣守節四十五年

監生李璇妻林氏年二十九夫歿矢志鞠二孤勤女紅為養舅中風牙關閉數

日水不進氏焚香告天願減己算十年延舅壽以盂水禱神灌之齒為開進

湯藥良已姑病瘵跪進飲食數載教子皆成立守節三十二年儒學李旌其

門

王玉聲妻程氏年十六歸王家赤貧夫傭婦織以養親二十四歲夫歿族人欲

奪其志氏怒以死爭提弱息營舅姑葬伶仃孤苦四十四年極人之所難堪

予得成立曾元繞膝六十八歲卒

林永壽妻李氏年十六而寡慷慨識大義夜紡績晨出易米拾松毛執爨奉親

食委曲成歡立繼養教兼至守節六十四年

張祥妻楊氏年二十三而寡寒門卑傳茹荼嘗藥三十八年所鞠子已生數孫
七十一猶事女紅也邑令張旌其門

吳曜妻黃氏年二十六夫歿事二親以孝訓二子以嚴守節五十年

武生程邈伊妻張氏年二十一夫歿矢志靡他夫家中落迺紡織貨力為經
營豐供膳盡喪葬取姪承祧守節四十一年

雷聲躄妻張氏年二十而寡撫孤誓守躬任耕織蓬首垢面減減無人色三十
七年苦節竟鞠孤成立焉

劉克士妻趙氏年二十五歲夫歿生子金鑑甫二歲紡績以教守節三十餘
年

劉成邦妻郭氏二十五而寡舅癘姑瞽無兄弟且赤貧氏日夜紡績事病親育
孤子養親畢竟以勞瘁死年三十五歲

李輝妻吳氏年十九而寡遺孤在襁褓親衰老氏婦代子職養生葬祭無缺禮
邑令那旌其門歷節五十三年

馬縉妻牛氏年二十夫歿翁相繼亡兩棺在堂氏罄其簪珥佐以紡績迺舉葬
事奉孀姑以孝聞撫孤成立守節三十七年

馬紹易妻牛氏年二十五而寡事孀姑色養備至喪葬中禮訓子義方守節四
十五年儒學王旌其門

儒童李含寶妻王氏二十歲夫歿躬稼辟蠶以養舅姑鞠弱息成立守節四
十九年

生員趙清輔妻杜氏年二十九而寡教三子慈嚴兼至庚金太學生辛金郡廩
生南金邑庠生守節四十四年即府志所載趙氏雙節之婦

監生馬士儒妻趙氏年二十夫歿雙親在堂二孤依膝家貧歲歛盤錯百端卒
以孝慈稱守節五十四年學使嵩旌其門

馬辰妻金氏年十八于歸卽失所天誓死守節老而益厲事親盡孝撫孤成立
足不踰闕者三十八年

楊際震母黃氏年二十而寡竭力以撫遺孤教讀甚嚴子入太學守節三十二
年

宋祿先妻白氏年十九夫歿撫姪為嗣事親盡孝守節三十四年

吳學斌妻楊氏二十四歲而寡遺孤數月孀姑在堂氏孝慈兼至守節四十
九年

侯克朝妻賈氏年二十三夫歿遺孤萬善方四歲伶仃孤苦慈而兼嚴子能古
耕慰親守節三十餘年

李辰妻段氏年二十四夫歿厲志克苦奉舅姑撫弱息守節四十三年

衛文侯妻李氏庠生璋之母年十九夫歿璋僅彌月氏以死誓守父文先避其
節迎其母子同居氏訓璋成立苦節三十年而歿閩邑紳士為立碑衢左

楊太元母孫氏年二十七而寡七十二歲歿守節五十五年太元入成均

尚士勇妻徐氏年二十七夫歿遺二子凡嫂俱亡氏以次子繼兄後紡績以教

皆成立年二十八歲守節四十一年

喬有德妻燕氏年二十五歲夫歿遺孤三齡葬舅姑鞠子成立守節三十一

年

洪進道妻劉氏夫歿家貧煢煢一身奉事尊嫜祭葬合禮備嘗荼苦者四

十一年

吉廷友妻楊氏年二十一夫歿子幼親衰氏矢志靡他克盡孝慈守節三十三

年卒

吉是蓋妻蘭氏年二十二歲夫歿子然一身事衰舅撫遺雛成立守節五十

年卒

劉瑄妻吉氏年二十八夫歿事孀姑撫孤子守節四十七年而卒

庠生劉瀚妻薛氏年二十二瀚故氏守志不二紡績以營養葬苦節五十九年克完貞操

楊潤身妻賈氏庠生楊如蕙之母年二十五而寡勵節自矢事舅姑以孝聞葬祭無缺禮教子成立學使蒿旌其門守節五十五年

儒童張順妻馬氏庠生太乙持松之母年二十六順歿事舅姑遵內則沉靜寡言跬步必以禮教二子雖盛寒暑不輟如嚴師焉守節四十三年

儒童郭世興妻彭氏年二十六夫歿舅姑皆老姑失明氏奉養無方殯葬以禮子容成立守節四十年

李增輝妻陳氏年二十夫歿舅姑傷感成疾氏能委曲承歡教子義方內勞瘁年八十三卒守節六十三年前邑令丁旌其門

生員王印妻孟氏二十五歲夫歿守志勵操事舅姑以孝聞育孤子又曾入

太學

李讓妻田氏監生李發科母年二十三讓歿氏引剪自刺不死事雙親以孝教孤息以義守節四十餘年

田逢時妻張氏年二十而寡遺二孤盈成氏仰事俯育甘苦備嘗子盈成相繼歿盈婦韋氏成婦師氏皆能承姑志誓守僅餘一孫氏守節四十餘年

田逢林妻顏氏十八于歸數月而寡氏以死自誓奉姑嫜鞠繼子恩勤兼至守節五十二年而歿

雷顯妻賈氏年二十二夫歿取姪承祀念祖舅兩世皆繼勸置妾廣嗣得生二子氏親哺養咸仗成立守節三十三年

劉廷所妻袁氏年十九夫故剪髮自誓事親孝謹取族姪為嗣三十一歲完節而歿

儒童劉廷擢妻廉氏年二十而寡姑有廢疾氏不避污穢扶掖哺食二十餘年撫子成立前令余旌其門守三十六年而卒

袁有德妻劉氏年十五于歸夫病癱氏朝夕奉侍三載而歿方十八歲事兩世翁姑以孝聞撫孤成立六十二歲卒守節四十四年

朱錦章妻宏氏年十九夫歿誓志養親兩撫嗣子以艱苦盡孝慈守節四十四年歿前令旌其門

袁象德妻廉氏年十八夫歿撫弱息留身事育有百計欲奪其志者氏奮怒成疾抑鬱以死年僅三十

袁湏妻趙氏年二十七夫歿撫遺孤事舅姑盡禮孤中年亦亡氏後撫二孫紡織以教曾孫士選充弟子員氏守節四十七年歿

儒童袁學謹妻胡氏年二十八夫歿厲志撫孤設塾延師絕不姑息女歸劉氏少寡氏勗以大義遂成其節尤能周鄰族急難有市客負逋二百餘恒折閱

氏不責償焚其券守節三十七年卒

黨永利妻宋氏年十八而寡遺孤耀宗撫之成立姑歿遺二叔皆樺氏鞠養成

人兼為授室事繼姑孝學使邵旌其門守節四十一年卒耀宗列成均

庠生趙延齡妻雷氏年二十四而寡以孝事親為夫兩弟授室弟與氏析居產皆蕩氏請於親復分己業給之教三子嚴次鵬飛入庠每脫簪珥為孫輩購書籍筆墨親訓之學使蔡旌其門守節五十八年八十二而終

儒童廉澗妻韋氏年十八而寡以姪承嗣孝尊孀撫弱息身任其勞前令旌其門守節四十四年

監生曲鳴高妻楊氏年二十一夫歿兩孤繼夫取姪承祀事孀姑以孝聞守節三十一年

薛中啟妻袁氏年二十三夫歿苦志自厲歸甯母家母勸改適即怒歸不復往兩割股以啖舅姑姑患癱疾櫛沐哺食負之出入者十五年撫孤成立守節三十一年而終

文有聰妻邢氏年十九翁與夫繼歿不三載姑又歿氏竭紡織賃營葬皆中禮
撫子成立守節三十餘年

宋廣惠妻王氏年十七夫歿舅姑憐其少艾勸他適氏慷慨折簪為誓事親盡
孝撫孤以慈苦節三十七年

郭則曾妻陳氏年二十一而寡以紡績養親撫孤子成立子又夫復育其孫艱
苦備嘗守節五十一年

張本聚妻廉氏年十九夫歿事姑撫幼備極辛劬守節三十七年前邑令賀旌
其門

張博學妻鄧氏年二十一歲夫歿事孀姑以孝聞撫孤成立守節三十二年

楊善述妻王氏年二十六而寡姑欲奪其志氏縊為族人救又投井以殉族援
之出乃抱孤離避母家姑死廼定躬親耒耜以率其子五十九歲完節而

終

劉祥妻高氏年二十而孀遺孤四月舅歿姑替氏同居奉晨夕委曲調護壽躋九旬訓子義方守節五十年邑令張旌其門

喬英吳妻左氏年二十二夫歿割股以食病姑生無笑容撫孤成立守節四十九年

衛全家妻顏氏年二十二夫歿仰事俯育董荼如飴弱息皆授室生孫守節四十年

崔有銀妻王氏年十八夫歿奉事老姑撫育遺孤每遇寒冬紡績十指瘳裂守節五十二年

張天福妻糜氏年十九而寡養衰翁殯葬以畢夫事伯氏欲奪其志氏怒寄居夫叔芳家自食其力叔翁生孫氏取為嗣稍長授室一日祭夫墓曰妾事已畢可相從地下矣遂投深淵死年六十八鄉人哀之

馬心端妻孫氏庠生溥之母年二十八夫歿紡績以養姑姑病消渴不解衣帶

喪葬盡禮教子以嚴守節三十八年

楊有溥妻陰氏年二十六夫歿夫弟有灝甫毀齒氏百方鞠育昂之課讀有灝入庠食餼以明經貢氏功居多其孤亦成立完節五十七歲前署令劉旌其門

雷瑞祚妻李氏年十七夫歿事雙親撫二孤餐荼茹蘗始終不渝守節三十二年
年前邑令旌其門

戴廷進妻翟氏十九歲而寡守志養親育孤歷節三十餘年

李清榮妻程氏年十八歲夫歿食糠覈度日撫孤成立歷節三十七年

胡學聰妻卜氏二十五歲夫歿守節四十六年

梅琰妻黃氏年十六夫歿割股啖親勞瘁以死年三十二歲

儒童焦師貞妻張氏年十八夫歿姑見年艾微詞諷之氏正色以拒事姑以孝聞鞠遺孤長嚴責之每流血被面子亦悔悟守節四十八年卒

焦來壽妻趙氏年十八歸焦生一女而夫外出二弟繼死獨姑在堂氏孑然一身抱弱女紡績養姑措持門戶後夫四十餘年不歸亦無音耗氏築姑嫁女畢鬱鬱以終

張賢繼室李氏年十八夫歿冰操自勵備嘗荼苦今年七十三守節五十五年其媳李氏事姑亦以孝聞

楊儼妻衛氏年二十八夫歿取姪為嗣孝以事親慈以撫孤遭家多故艱苦備嘗守節三十二年

處士張守之妻馮氏年三十而寡事老姑撫遺孤艱苦如一守節四十五年雷五福側室連氏年十九而寡嫡郭憐其艾勸他適氏以鐵錘擊其二慈遂守志與郭若姊妹勗嫡子來雨得為邑增生來雨子重光登癸卯賢書今氏六十三猶措持家計罔懈守節五十四年

張際甲妻章氏年二十三其夫攻苦失血死氏即自縊以殉邑紳氏以節烈聞

諸官前令丁旌其門

趙悅禮妻韋氏年二十四夫歿上事舅姑下鞠孤子紡織以給守節三十八年
生員張大經妻范氏年二十四而寡厲志女紅侍姑病衣不解帶後刲股以啖
舅病皆痊可足不踰閭教子如嚴師守節三十九年

儒童張英妻芮氏年二十六夫歿矢志靡他事親有孤備嘗荼苦守節四十餘
年

王承章妻田氏年二十三夫歿母劉氏勗其守志遭家多難舅跛姑瞽氏扶
持調養瞽者復明紡績餘貲置歲歎易精齋奉親自餐麤糲育孤兒成立守
節三十二年

雷元士妻段氏年十八夫病篤氏刺指血滴酒中與夫同飲夫歿三年蓬垢不
施膏沐後以刺面剪髮鄉人傳其事孝舅姑育遺孤卒幼罔懈子胞列
成均

張介妻杜氏年二十三夫歿舅年八十五家無次丁二孤在抱氏子身勞瘁剪髮易粟以奉親方寡時赴母家借米路拾遺金不昧以還失主翁歿躬執舂鍾營葬山路險峻步履如飛鄰里哀之醵錢以助守節五十年卒

儒童張涼妻韋氏年二十四夫歿孝事雙親恩鞠孤子守節四十九年卒

李鳴岐妻程氏年十九夫歿事舅姑以孝聞撫孤子慈嚴並著守節四十年前令張旌其門

郝小車妻車氏澠池柳溝村女年十九歸郝氏有姿色而其夫身短頭禿手攣足跛且眇一目人咸以醜笑氏怒曰夫天也吾命爾何憎為益相愛敬家貧不給氏勤紡績孝舅姑後二親相繼亡家更窘數日常不能舉火族人憐之予蕎麥一斗為奉夫婦推磨賣餅分其餘共食五十年邑大饑氏為鄰婦佐女紅貸食夫與子自咽糠覈五十一年春夫病復採樹葉煮為糜供之未幾夫死子又天鄰人見其少艾且材能勸改醮以逃生氏不肯竟坐破屋

中餓死年僅二十六歲云邑令張旌其門

庠生任秉獻妻高氏年二十四夫歿無子取姪承祀仰事俯育操作搢持不少懈守節五十四而歿邑令張俱旌其門

儒童韋喬齡妻田氏年二十三夫歿遺孤未週氏奉侍雙親育子成立守節三十二年

劉崑妻朱氏年二十三夫歿事老姑養葬中禮育遺孤生孫守節三十七年歿

郭士恩妻王氏年二十四夫歿單縵一身饕殮莫給經營擘畫心力俱瘁兩取繼皆殤老守孤幃四十年蓋節之最苦者

毛起祥妻楊氏年二十夫歿饒田二畝躬耕養姑殯葬合禮守節三十八年前令准族人請嗣名曰奉官

白自潔妻高氏年二十四生二子而寡以編席織布養其子時嚴教訓守節三

十二年而終

韋德化妻賈氏年二十八夫歿孝事老舅編管種田以奉甘旨訓三孤力農贍家四十年完節

雷直妻郭氏年十九夫歿撫遺孤以娛哀舅養葬中禮前令丁暨儒學疊旌其門

楊健妻黃氏年二十四夫歿焚獨靡依尊孀哀病一身支持養葬無缺禮撫姪為嗣完貞四十九年

生員衛聖誌妻馬氏訓導馬璘女姑病癱氏扶持飲食之朝夕不倦有逃荒民妻產子窰場內氏給薪米以濟之見其戚焦鶴年質敏而家貧勸夫迎至家教之十餘年焦為邑增廣生其他濟人急難甚夥

處士衛光秀妻張氏事舅姑以孝聞喪奠合禮賙貧乏掩骼骼并以行善教其子前令陳旌其門

黃振邦妻賈氏年二十二夫歿遺孤甫週舅老又病剪髮自誓養葬咸中禮儀
孤二長成八十四歲完節前令唐旌其門

章麟孺妻朱氏年二十三夫歿家貧誓守母家亦以資助之奉親撫孤苦節四
十六年歿

儒童張皓妻劉氏太學生道遠母年十九夫歿遺腹五月生子氏矢志靡他養
舅姑育孤息壽八十二守節六十餘年

趙文煥妻霍氏十九生子二十三夫歿遺腹又生子焦勞持家子咸成立守節
三十二年卒

趙良貴妻楊氏年二十二夫歿家計艱辛舅姑衰耄矢志孝養撫孤成立守節
五十五年

徐洪道妻張氏年二十八夫歿先是其姑張氏以節孝載舊縣志氏能繼姑志
孝以事之得躋大莖取姪為嗣守節二十九年先姑而歿

金宸妻程氏年二十四夫歿伶仃三子垂白雙親惟氏倚賴氏孝親養盡禮
教子義方長克家次子三子府縣名冠軍皆入庠一時稱盛前令張旌其門
年八十二而終

景忠孝妻古氏年二十夫歿姑老子幼竭力孝養荼苦備嘗子得成立守節三
十九年

張軾妻雷氏年二十四夫歿遺孤半月熒熒堪憐氏苦勵冰操養棄老親鞠育
孺子守節四十二年歿

張興妻郭氏年二十二歲夫歿娶姪為嗣力耕疏确兼動織縷以供甘旨今子
成室姑老壽守節四十餘年

郭生魁妻雷氏二十二歲夫歿矢志靡他善事尊嫜盡瘁撫孤成立守節三十
三年

鄒經中妻韋氏年二十夫歿撫嗣含哀盡瘁十四年而歿

韋佩玉妻雷氏年二十四而寡矢志貞潔孝事舅姑攻苦茹淡養葬盡禮撫
嗣成立守節三十一年

儒童程駟妻師氏生員程序賢之母年二十三而寡事舅姑以孝聞教遺孤慈
嚴交至守節三十二年

邱望鳳妻程氏年二十八歲夫歿姊姒妬之逼改適氏擊心死誓而止後姊姒
繼亡氏獨奉舅姑養葬無缺鞠立遺孤曾元統膝壽八十七守節五十九
年

彭萬倉妻李氏年二十八夫歿事老母撫遺孤紡績以給孤歿遺兩孫氏竭力
鞠養宗祧得延守節五十六年

衛秀妻劉氏年十八而寡嚙指自誓事兩世親養葬盡禮取幼姪文炳為嗣長
教之考列前茅守節四十二年

儒童高朋敬妻尹氏二十四歲而寡事舅姑養葬盡禮撫二孤成立壽八十三

洛陽府志 卷六 三十九 忠貞 守節五十八年孫凌雲入庠

監生李紹聞妻郭氏性至孝事舅姑就養無方夫女兒適馮家貧失明氏體親志多方扶濟並教甥入庠施衣食以予孤寡貧婦

生員李茂妻黃氏年二十二而寡矢志事舅姑菽水承歡久而不懈撫嗣成立守節五十年卒

衛聖時妻趙氏年二十弟婦歿遺一子氏一子方三月斷其乳以乳孤姪推乾就濕珍愛倍己子人咸稱為難能氏子煥章入太學姪亦成立

武生張殿鰲妻章氏二十一歲夫歿舅姑繼亡喪葬盡禮鞠孤成立守節三十年

史員郭廷傑妻衛氏年十八而寡事親以孝聞撫姪為嗣守節四十二年張正元妻梁氏年二十五夫歿事舅姑盡孝撫遺孤成立守節四十九年而卒

孔傳位妻劉氏年二十四夫歿事九十歲姑誠孝撫遺孤以義方守節四十一年

孔玉袍妻常氏年二十三夫歿親老孤幼仰事俯育備嘗荼苦守節四十七年

生員田滴妻孟氏年二十而寡事姑盡孝鞠孤成立守節五十餘年卒

儒童劉學孔妻王氏年十九而寡遺孤親老孝慈兼至守節五十年歿

吉金業妻張氏年二十五夫歿事雙親鞠二孤備歷艱辛守節五十一年

韋元恭繼室何氏年二十四夫歿取姪為嗣又夫氏確田破屋耕種紡績以堅

冰操寡言笑不踰闕苦節三十二年

韋咸周妻賈氏十六于歸未逾年夫歿無出勵志不二事親以孝聞取堂姪為

嗣教育有方已出應試守節三十一年

儒童李學惠妻崔氏年二十六歲夫歿兩姑遺三婢女兢兢相依氏不忍舍以

殉迺取姪為嗣以鞠女繼耕織度日為三女遣嫁嗣已成立氏勞悴致疾嘆曰女適人子授室畢吾事矣不食藥竟卒

太學生程邦秀妻王氏邦秀淮安太守克修子氏歸程夫病廢手足癱瘓氏奉飲食湯藥久而弗懈夫歿侍姑闔恭人進羹湯不假媪婢撫姪雷為嗣教之成立學使邵旌其門觀察使王為立傳守節四十四年

杜文彥妻趙氏年二十一夫歿遺腹生子氏仰事俯育勤儉操持固解完節四十年

張可遠妻鞏氏年十六而寡取姪為嗣歷節三十四年不渝其志邑令張旌其門

賈仲妻廉氏年二十七夫歿獲親哀憊弱息伶仃氏婦職母道克全歷節三十一年

樊一坤妻尚氏年二十四夫歿矢志不二恪遵婦職撫長而夫又撫弱孤鞠養

成人守節四十六年

李榮妻楊氏年十九喪夫年三十五喪子獨事舅姑勤績終令卒增楚晚始立嗣歷節四十九年

金忠乾妻張氏年二十夫歿事病姑孝盡樵薪挑野菜夜勤女紅磨菽乳以膳姑撫遺孤成立守節五十四年

王松妻李氏年二十五夫歿事病舅撫遺孤備嘗艱瘁完節四十三年
韋元福繼配周氏十九于歸事舅姑以孝聞又十年夫歿撫孤成立四十八年

完節

雷漫妻杜氏年二十二歲夫歿跳高崖不死割目自誓家赤貧事舅姑盡孝撫子成立守節三十八年

雷洗妻韋氏年二十二夫歿事親撫幼終始不渝訓其次媳守節今亦二十年
韋七十五歲完節

儒童郭鵬程妻尚氏年十八而寡姑歿舅癰養葬中禮撫孤成立完節三十六年

趙正妻王氏年二十六而寡編織竹器養親撫幼曾以挺擊賊仆人畏之守節三十六年卒

郭則祥妻陳氏年二十五夫歿事祖姑及姑盡孝撫育弱息能慈完節五十一年

馬英妻趙氏年二十七而寡日織布三尺餘奉親甘旨殯葬盡禮撫子女畢婚嫁更撫姪周如己子三分其產以畀之族有嬰兒墮水拾而字之長為娶婦義聲振閭里七十七歲完節而終

李青昌妻王氏年二十四夫歿取姪為嗣教之孝順是夜即縊死夫樞秀邑令張旌其門

張叔謙妻劉氏叔謙孝廉伊第三子性孝因母歿悲號成疾而死即日投井以

殉年二十四

周徽妻程氏年二十四夫歿事親鞠孤嚴訓課子景元入庠啟元入太學學使

王旌其門

儒童戴元良妻張氏夫歿事尊嫜撫幼息備嘗荼苦守節三十餘年

田育妻李氏年二十三而寡閉戶不出孝繼姑育繼嗣守節三十三年卒

郭盼妻李氏年二十四夫歿事孀姑以孝聞撫四遺孤成立歷節四十四年

張興亮妻宋氏年二十五夫歿未幾姑又歿竭力殯斂村被水災氏抱姑柩為

水漂去出沒波中數里得救葬姑畢竟以水傷得疾嘔血卒

雷明德妻高氏年二十五事病姑撫幼子躬耕教讀親登上壽子克成立六十

二歲完節

張志妻賈氏年十九夫歿親老孤幼仰事俯育艱辛萬端歷節三十五年

高元來妻尚氏年二十歲夫歿矢志靡他事親鞠幼勤於操作歷節已三十七

年

章可正妻程氏年二十五夫歿事老姑撫弱息家貧清操愈厲歷節已四十二年

雷遵德妻段氏年二十六夫歿祖舅病痢氏不避污穢奉養年餘事繼姑得歡心疏田半畝耕織為生鞠孤成立守節四十年

雷綸妻師氏年十九夫歿遺腹生子撫之成立又撫盲目姪孫長與己孫分產守節五十二年

生員雷萬藻妻章氏舅恩貢雷化乾病四十年得結症醫藥罔效氏哀痛情急潛割股和藥以進得瘳

邢巖妻金年十九夫歿紡績養親撫嗣成立完節四十年

楊稷妻李氏年二十三夫歿遺子生祥尚穉氏孝事尊嫜教子義方生祥得入庠守節五十餘年邑令張旌其門

李思全妻郭氏年二十夫歿無子取姪以嗣未幾姪亡媳亦亡身遭重坎志節愈烈族人復為取繼四十餘年完節儒學王旌其門

張所法妻馬氏年三十二而寡事舅姑鞠遺息守節三十五年

馬化仁妻楊氏年二十一夫歿事尊孀養葬盡禮撫嗣成立守節三十一年卒儒學張旌其門

馬錫妻張氏年二十三夫歿事親撫孤始終一操守節四十五年卒

馬顯邦妻杜氏年二十四夫歿事舅姑以孝聞撫遺孤三人成立守節四十八年

林聰妻宋氏年十九而孀遺腹生子熒熒在抱家赤貧以紡績奉親子又夫勛媳撫孤成立七十一歲完節

劉福妻趙氏年十九夫歿事親撫孤劬勞罔懈守節五十餘年

李廷現妻王氏年二十夫歿紡績事姑殯葬盡禮撫遺孤生孫子天又撫孫成

立守節三十七年

孫繼先妻韋氏年二十六夫歿孝舅姑撫弱息守節三十七年

顏國樑妻張氏年二十三夫歿舅姑老病遺子伶仃仰事俯育無懈守節四十

餘年

衛琳妻張氏年二十八夫歿遺孤甫五歲茹荼餐糲鞠之成立守節三十三年

卒

高天祥妻蕭氏年二十歲而寡石田茅屋奉親撫孤艱苦備嘗守節二十八

年

李友妻張氏年二十夫歿事親以孝撫幼以慈守節二十二年卒

儒童吳宗渠妻李氏年二十三而寡事孀姑以孝聞撫遺孤成立守節五十一

年

段加修妻楊氏二十二歲而寡事孀姑撫幼子守節四十年

張士惠妻程氏年二十四夫歿事老翁鞠弱息守節五十四年

高棟妻胡氏二十五喪夫事孀姑孝撫遺孤嚴守節五十一年

宋士誓妻賀氏年二十四夫歿事姑嫜鞠二子成立守節三十一年

郝奇麟妻荆氏乾隆二十四年邑令顧旌其門今所居已易姓而匾懸簷壁間
知為節婦載之

王建都妻劉氏年二十二夫歿撫五歲孤苦節四十六年

賈可宏妻焦氏年二十一夫歿事親撫孤乾隆七年邑令張旌其門

趙文魁妻許氏年二十六歲夫歿事親孝撫幼慈守節五十餘年邑令張旌其
門

衛經妻楊氏二十八歲而寡孝舅姑鞠遺息守節五十三年

張五喜妻韋氏年二十夫歿遺一子鞠養二十年子又亡撫幼孫歷節三十八
年

楊之俊妻賀氏二十五歲夫歿養孀雙親鞠成二孤守節二十九年卒
雷敦妻韋氏年十九而寡忍貧以事親鞠孤守節五十年

韋文會妻廉氏年二十夫歿事老舅撫幼子苦節六十一年

戴秀妻衛氏年二十一夫歿孝老姑撫姪為嗣守節三十六年

程仁妻王氏二十四歲夫歿家奇貧撫遺孤成立守節三十五年

韋安妻張氏夫亡事親撫孤苦節四十餘年

張和振妻戴氏十九歲夫歿姑壽一百一歲氏躬耕以奉甘旨撫嗣成立守節
四十五年

張受位妻李氏二十歲夫歿事姑孀撫弱媳守節四十五年

張門雙節張懷振妻楊氏成振妻韋氏楊守節四十九年韋氏守節歷三
年

馬門雙節馬瑾妻楊氏年二十四而寡長子萬魁妻賈氏年十九而寡苦勵

貞操紛績為計楊守節四十年賈守節三十年

李育萬妻趙氏年十八夫歿事親撫孤始終不渝歷節四十五年

生員賈文昇繼室李氏二十七夫歿撫姪為嗣守節二十三年卒

馬英妻王氏年二十九而寡事親盡孝課子孫嚴曾孫順之入庠猶及見之壽

八十四歲完節

楊春妻李氏年十九夫歿遺腹生子守節三十八年學使旌其門

范晏妻楊氏年二十夫歿事姑孝鞠子慈後子媳俱歿孫又殤苦節三十四年

卒

雷文科妻韋氏十八歲而寡事孤撫幼勤鞠罔懈歷節二十九年

儒童林夢祥妻齒氏年二十三夫歿寒門貧族鞠孤成立守節五十八年

劉順妻梅氏年十九夫歿事舅姑以孝聞撫子成立守節三十七年

王熠妻張氏順天治中孫女年二十七而寡子肅兩月氏以腴產與夫弟燿自

僅取十畝租以養老幼教子有義方後為援例入成均現今六十歲守節三十三年

梁門三節梁池妻王氏年二十三夫歿事親盡孝有遺孤永祥娶婦馬氏二十八歲永祥又亡遺宗周尚幼馬侍姑日夜紡績相依為命宗周長為娶婦吳氏三載宗周暴亡氏勞面自誓與祖姑王姑馬同心守節王今七十二馬五十三吳雖年少而端嚴靜恪可始終不渝焉

薛門雙節薛元善妻楊氏二十三歲夫歿守義不二娶姪茂為嗣娶婦李氏茂又歿李年二十四與姑莞然相依紡績度日撫姪邦成為嗣兩世一脉督訓甚嚴務遵規矩楊氏今六十九歲李氏五十八歲猶任操作焉

儒童衛邦直妻楊氏年十八夫歿以死誓節事姑雷繼結張至孝舅病侍湯藥數載不懈撫姪文煥教養成立守節三十九年今已五十七歲邑令張旌其

門

山文宗妻薛氏通文宗二十餘日而寡氏方韶年咸勸改適氏矢從一之義志見辭色人畏敬之孝事舅姑撫姪多病氏勞瘁醫治得無恙生孫十七歲守節今三十年

顏士喜妻夏氏十七于歸姑亡舅病氏與夫就養無方舅病以痊年二十八歲夫歿氏欲身殉以哀舅勸而止奉親撫孤備嘗荼苦孤得成立今六十二歲守節三十五年

儒童姚文統妻夏氏年十九姑與夫繼歿舅妻袁行穢而悍舅忿病噎死袁逼氏改嫁氏自縊族人救之甦訟諸官前令庭叱袁命與氏分院居氏鞠孤健戶苦守衣蓋縱蕩又絀他奸案前令丁痛懲袁而重氏之貞旌其門榮之今氏六十一歲猶跬步不踰閫如其初焉

李鳳鳴妻張氏年二十翁姑與夫相繼歿氏撫姪為嗣鞠養教誨以延夫祀歷節已三十三年

朱興周妻尚氏年十七于歸四月而夫歿舅姑皆老病家不能舉二鬴氏毅然矢貞自任耕織奉甘旨 撫姪為嗣屢遭荒歉採稔餐糲處之怡然守節

今五十二年

儒童田敬妻郭氏年二十夫歿老親孺子惇惇相依志節益厲子又夫取姪為嗣奕翁姑皆手自摩畫守節今三十六年

楊滾妻張氏年二十三夫歿親病子穉氏曰吾一身關兩家榮辱不可怠事病親供藥餅籲天願以身代教子為援例入太學學使當旌其門今壽七十四

守節五十一年

儒童郭清祖母李氏年十六而寡厲志冰霜孝事舅姑鞠育孤息教之成立守節今四十四年

郭嘉政妻韋氏二十二歲夫歿矢志不二姑病氣絕籲天痛哭復獲醫藥得效教孤以嚴守節三十三年

李玉端妻蕭氏夫歿舅姑老病二子幼氏山田三畝自荷鋤耕種不委傭保節事俯育皆賴之現已守節二十九年

儒童張秋桂妻郭氏年二十二夫歿舅姑皆老氏矢志奉養勤機杼以供滫瀡取姪為嗣教之就傅今六十六歲苦節四十四年

儒童余進德妻雷氏年十九夫歿遺二子舅姑皆七十哭子致病氏涕泣跪於前願代子職家故貧氏親任穡事夜三更機杼不息喪葬盡禮撫子成立守節今五十一年

崔九崙妻楊氏年十九夫歿姑慮難守以微詞試之氏抱孤兒號泣跪誓竭力紡織奉親甘旨獨肩大事和睦族黨卓然女宗現年八十一歲守節六十二年

趙繼賢妻夏氏年二十六歲夫歿守義不二遺孤全城以女紅為教養全城娶妻生子甫三歲夫婦繼亡氏又撫孤孫成立艱苦備嘗守節今已四十六

年

監生李岱妻衛氏年二十五夫病危以姪布雲為嗣歿後姑痛子得疾支離床褥氏晨昏扶持翁姑繼歿殯葬盡禮教子能文食饑於庠尤能以禮教化其家今七十五歲

宋可舉妻楊氏年二十四而寡撫孤誓守敗屋荒涼饗殮不繼織紡養姑貧益厲節母弟太學生楊茂源賜其乏迄今三十年

拔貢生孫肖元妻韋氏夫赴朝考留都肄業一年以病歸將不起氏籲天願代夫臨歿時氏執手以死誓守時年十九舅姑以嬰疾氏奉湯藥皆得瘥孺聲播遐邇今年三十冰霜之性益厲焉

宋禮先妻白氏年二十二而寡姑忽痿不起氏百方訓劑獲痊祭盡禮鞠子既長教篤綦嚴今守節已四十餘年

衛金富妻史氏金富樵薪墜崖死氏年二十八歲號泣自誓家故窶事哀翁撫

繼子苦節五十七年今八十五歲

張曰芝妻馬氏年三十六而寡質不改操上奉姑嫜下撫弱息現年七十四歲苦節三十八年

楊士莒妻燕氏年二十而寡孤方襁褓親已衰羸氏仰事俯育竭盡心力現年五十一歲守節三十年

楊士根妻燕氏年二十而寡氏重宗祧忍飢寒勤織維撫遺孤成立今七十三歲守歲五十三年

楊文成妻吉氏年二十而寡遺孤玉堂孱弱一身養親撫孤以延宗祧守節已二十六年

楊進節妻孫氏年十八歲夫歿遺孫勤紡織事孀姑備嘗荼苦守節已三十六年

高文長妻衛氏年十八而寡遭家多難獲親繼亡竭力孀養撫遺孤爾祥成立

守節已三十一年

楊進泗妻喬氏年二十六夫為虎倣遺孤二氏情志堅守以女紅養親及奠祭
二孤皆授室守節三十五年

儒童任洪範妻劉氏年十九而寡甘荼茹藥事親養奠盡禮撫孤慈嚴兼至守
節三十八年

郭全妻王氏二十六歲夫歿事親撫孤志節白首不渝現年七十三歲

楊世生妻王氏年二十七歲夫歿翁亡厲志不二營殯奠事盲姑勞瘁骨立孤
九菴痘症甚危醫皆不治氏顛天痘忽起得生後其子入太學現年已六十
四歲

儒童王生智妻彭氏年二十三夫歿遺孤未齠家貧祚薄以女紅事尊孀教子
慈嚴兼至子西白入庠現年七十四歲守節五十一年

韋玉金妻張氏年十九夫歿遺孤在抱勉從姑訓不死事姑孝謹姑今壽八十

餘氏守節已三十三年

儒童袁中誌妻范氏年二十七夫歿遺孤三兒楚楚無依矢志自厲家貧賃人田以耕晝理田事夜勞織紉子長者力農少者勗以詩書士偉令食饑於庠尤以孝聞於鄉党守節四十八年今七十五勤劬如初

儒童劉廷潤妻鄭氏年二十一而寡念舅姑衰羸矢志奉親以孝聞撫姪為繼旋天再撫姪又天撫數歲嗣孫搢柱艱辛不二其志守節五十五年

儒童張良臣妻段氏年三十二而寡事老親撫遺孤終始不懈前令陳旌其門現守節三十五年

生員金辛金妻賢喬程氏年二十九歲夫歿衰姑弱子單楚一線忍死誓守事親撫孤不踰闕者二十餘年長子耀儒入成均氏現年六十三

黃廷相妻賈氏二十八歲而孀勵冰操養尊孀撫弱息有賊伐親墓栢三株晝夜哭泣賊為植還之守節今四十年

劉大鵬妻楊氏年二十而寡室如懸磬貌然子遺耕織負汲以膳老姑育子成立現年六十八守節四十三年

李希賢妻吉氏年二十四夫歿遺弱息躬耕動織子稍長令其就塾出入恒執械衛之以防野獸孫嗣蕃衍守節今五十年

白金耕妻韋氏年二十七夫歿舊產斥盡饗飧不給勤女紅以鞠孤兒孫光臣亦能以孝聞鄉黨氏今壽八十六歲

王位妻李氏年十四歸王即能鞠姑遺息二十二夫歿事兩世衰翁以孝聞祖翁八旬餘得癱疾氏侍養又七年艱苦萬端撫姑子與己子皆成立守節今三十年

王有全妻虞氏年二十夫歿家貧孤弱着短襦治畦以膳舅姑親歿並鬻其小圃為殯葬百方拮据育子成立守節今三十一年

雷友亮妻張氏年二十夫歿家人計奪其志氏剪髮自誓眾懼氣沮抱八月道

孤辟鱸種蔬育子成立守節今四十四年

李天祥妻齊氏夫以受傭贖娶之二十四夫歿遺二女人慮貧難守氏挺臂長號誓死不負鞠女長成以禮訓之適田姓者十七而寡守節不二人謂賢母生賢女守節今五十年女見前田氏雙節

儒童朱印綱妻王氏年二十一而孀育女撫子孝事雙親姊妯已析居氏力勸復合聽人傳誦之守節今三十一年

李學寬妻沈氏年二十三夫歿力耕荒田奉親育子嘗荷撓入深田劬黃精以食親嚴寒幾凍死自食草根糠粃以活苦節今四十二年

段愛妻戴氏年二十四而寡事親撫孤守節已五十年

趙邦進妻李氏年二十四夫歿執婦道和娣妯育遺孤淑行聞鄉黨孤孀撫姪為嗣守節今三十八年

郭克超繼室張氏年十九而寡事雙親盡孝撫前妻遺孤如己子守節今三十

餘年

劉福江妻曲氏年十九夫歿隣婦欲諷他適者氏以死與鬪遂奉姑足不踰門
樞至戚罕覩其面撫遺孤聽讀書聲為樂守節今三十三年

監生韋忠越妻郭氏年二十七夫歿誓志事舅姑躬薪水勤紡績喪葬皆親擊
畫守節今四十六年

張維城妻金氏年二十二夫病革氏於夫前取剪截一指流血漬地誓以死守
夫歿氏節哀以保遺腹孀欲嫁之氏出指大痛滿座皆駭既產生男竭力鞠
育孝事翁姑兼睦孀母教子義方守節今四十二年邑令張旌其門

朱英龍妻白氏年十八夫歿事繼姑撫幼子籌家計堵門戶人稱羨焉今守節
已三十年

范清昌妻高氏青年守志事舅以孝聞於鄉迄今已五十餘年撫子庚揚入武
庠

郭永全妻衛氏年十八夫歿志厲節峻事親育孤孀居三十四載現年五十二歲

杜文琦妻段氏年二十四夫歿鍵戶不出至親罕見其面田一畝躬耕以養姑育二子成立守節已四十一年

吉佑妻趙氏年二十三而寡母家欲其改適氏自雉幾死救之甦延不敢言家貧手織竹器間紡績以養親訓子嚴里黨奉以為法守節五十二年現年七十四

孫謙祿妻王氏年二十八而寡事尊嫜教二孤長子與婦相繼亡撫次子及孤孫次子得入庠守節今五十五年儒學李旌其門

劉成宮妻楊氏年二十夫歿矢志自守勸舅取繼姑以廣祧事之彌謹撫前

姑子及己子皆成立守節已三十五年

趙維城妻李氏年二十夫歿事姑以績維訓孤以讀書斥鉛膏屏絳絳守節

今二十七年

張溪松妻侯氏年二十二而寡家無二彌堂有隻親夫弟病廢水機軋軋動操凜然取姓為嗣守節今四十七年

儒童楊萬興妻吳氏生員松齡之母年二十一夫歿念姑衰老毀容誓志養奕合禮撫姓為繼守節已三十七年

儒童張輅妻田氏年十七歸張數月而寡矢志烈決事老姑先意承旨禮防自持言笑不苟撫子成立守節已三十五年

衛周派妻李氏年三十而寡其姑亦久孀氏懷遺孤與姑同居相依為命姑歿殯奠合禮前令陳旌其門今已四十餘年

金鏢妻李氏年十八而寡舅姑衰羸家無中男矢志奉養辛丑壬寅間飢饉洊臻逃亡相籍氏隻身維持僅存皮骨族親嘉其節為取姪以嗣能兼孝養今守節已三十三年

處士衛盡禮妻蕭氏年二十而寡家徒四壁勤紡績以奉雙親育穉子守節今四十年

張吉妻高氏年十九夫歿以舅姑菴菴忍死奉養委曲承欠殯葬皆躬親之守節今五十二年邑令張旌其門

劉芳妻李氏年十九夫歿遺孤三月姑病十年氏湯藥躬親甘旨無缺喪葬盡禮守節今五十二年

韋兆貞妻楊氏年二十八夫歿生一女寄食母家苦厲冰操取姪為嗣撫之成立守節今四十四年

張應魁妻劉氏年十七于歸姑偏愛長婦恒笞辱之卒無怨言後姑得惡疾長婦避其穢氏躬扶持日數洗滌姑感悔後遂獨與氏居喪葬氏獨肩之氏夫悍嗜酒家業幾蕩盡氏苦勸夫楚而逐之氏焚香哭訴親墓前夫一夜往宿娼途中恍惚見父母以丈逐擊之驚怖而返痛改不數歲歿氏年二十八有

子後十餘年歿伯兄欲奪其志以吞產氏割腴取其子為繼乃寢其女許字
庠生某老年賴其調護苦節今三十九年

監生張有聲妻韋氏年二十三夫歿事七旬姑撫三歲子婦道克全母訓無虧
守節今三十五年

儒童孫永安妻韋氏年十八夫歿舅姑皆病氏亦得足疾匍匐執爨調藥扶持
問安視膳者數月親病始愈氏髮盡落衣生蟻蟲喪祭合禮祭必淚繼以血
嫁姑及女粧奩如一教子延嚴師昕夕必加督課焉守節今三十四年

潘自學妻雷氏年二十六夫歿不以富室之女驕人事哀姑撫孤子和族里人
咸敬之今六十四歲

馬騰塵妻金氏年十八而寡厲志以守葵舅養姑撫繼授室備嘗荼苦守節今
三十年

吉祉妻黃氏年二十八夫歿寒機冰縷晝夜弗輟養姑嫜鞠孤息年登九十神

明不哀乾隆四十年學使莊旌其門

布永明妻孫氏年二十四夫死將歿目猶視氏氏即牽五歲姪榮身承繼跪告曰夫有子矣夫目仍視氏曰子慮吾節不終乎立命土工甃窆穴以待死目乃瞑事舅姑盡孝饑歲出粟濟貧并折其券施地開渠鄉人德之儒學旌其門守節今三十二年

楊茂吉妻張氏年十九夫歿家無中男堂有老親竭力侍養撫孤成立今五十
一守節三十二年

儒童張浚妻韋氏年二十二夫歿矢志不二事親以孝聞其姊戴氏亦寡氏勸之勵志同守韋已三十三戴亦十四年矣

儒童王者才繼室崔氏十八歲夫歿撫前妻幼子倍加愛惜事舅姑盡孝學使雷旌其門今守節已三十六年

儒童王評妻趙氏年二十八夫歿事舅姑曲意承歡躬事操作鞠二子成立守

節今三十八年

吉全倫妻薛氏年二十八夫歿姑沉痾氏事湯藥目不交睫翁衰老養葬皆如禮撫二孤成立今守節三十二年

儒童張峻峯妻韋氏年二十三夫與舅繼亡僅二女有小叔方四歲氏撫之成立為娶婦楚楚貧操勞而益勵守節三十二年

張興隆妻呂氏姑病噎思食肉糜而田產罄罄氏脫簪珥供饌病益危氏情急自割股以進姑食之竟愈以壽終甫葬畢夫歿年三十撫孤有義方及壯受職又能撫姪孫天申而教之修脯膏火皆其所出厚卹其家天申以弱冠入庠今七十四守節四十三年

儒童田永泰繼室劉氏年二十二夫歿事孀姑鞠孤息嚴訓誨守節今四十四年

儒童張鳴岐妻劉氏年二十二夫歿紡織以養孀姑訓讀以教嗣子居濱洛田

廬盡被冲刷而苦操愈勵守節今三十二年

王爾全妻趙氏二十八歲夫歿事孀姑養葬盡禮撫育遺孤成立守節今三十五年

李進美妻黃氏年二十五夫歿事兩世舅姑養葬盡禮撫育遺孤守節今三十五年

程霞妻郭氏洛陽平樂郭蠡女幼熟女訓年十四歸程即以孝聞二十而夫歿時霞弟幼無可嗣迺事孀姑寢食相依十餘年霞弟生子長謙承嗣後氏告姑曰夫有子媳可死矣姑聞氏言驚成疾氏念復止事姑撫孤姑即尋愈守節今三十年

儒童李生英妻趙氏二十一歲夫歿矢志靡他取姪承嗣事舅姑以孝稱撫孤成立守節今四十七年

儒童王進龍妻李氏年十九夫歿遺孤僅三月勵志苦守事舅姑以孝鞠弱息

以慈鄉為立石表之守節今五十八年

劉文傑妻白氏十八于歸姑患癱氏扶持藥餌親二十一而寡氏勵志堅操足不踰戶樞常謂人曰從一大是難事惟少見一番人便少亂一番意取姪承祧鞠以恩勤歷節三十一年猶凜凜可敬云

儒童孫世祥妻賀氏年二十七夫歿事孀姑撫幼子薄田數畝躬奉甘旨自茹蔬糲歷節四十五載年七十餘猶紡績不懈

儒童張昂妻孟氏年二十六而寡張故宦族家中落氏誓志不二茹荼嘗藥歷節已四十餘年

田呈彩妻楊氏年二十二歲夫販布盧氏歿於其妹婿家因葬焉氏以翁姑衰病相繼亡以營殯葬不能遷夫柩歸而遺孤又穉矢志鞠養今已歷節三十三年

馬陞高妻朱氏年二十三而寡撫孤守志今已三十一年

馬元慶妻范氏年二十三夫歿事親盡孝撫孤成立今已四十一年

趙希禮妻余氏年二十二夫歿無子事老舅以孝聞取繼撫之守節已二十六年

馬耀曾妻裴氏年二十五夫歿孝姑孀鞠嗣子守節今四十五年

田富妻秦氏年二十三夫歿上事孀姑下撫弱息守節今四十三年

杜電妻賈氏年二十夫歿養衰舅鞠遺孤茹藥餐荼守節今三十五年

司好信妻張氏年二十七夫歿哀姑穉子仰事俯育備極勤劬守節今二十九年

王明理妻富氏年十八而寡矢志不二孀姑奉舅撫孤仳離顛苦其節不渝今已五十七歲

葉振興妻李氏年十六隨夫陝州墜荒二十三夫歿事舅姑盡孝舅姑歿與其子遺三棺歸葬植塋守節已四十六年

張宏遠妻衛氏年十八而寡取嗣守節今已歷五十九年

吳錫妻卜氏二十五歲夫歿事親撫孤守節已四十七年

山升妻李氏年二十八守節育孤子不以貧易操今已三十一年

儒童秦克振妻陳氏二十一歲夫歿事親撫孤守節今三十二年

監生楊克發妻蕭氏年二十五夫歿事孀姑撫弱息成立守節已三十一年

儒童秦克拔妻蕭氏年二十而寡事親撫孤歷節已三十二年

以上新採訪事實

洛甯縣志卷之六

人民部

寓賢志

郭秦北來陸機南至士大夫浮踪洛下者代有之矣矧嶠函南道復開邑為唐宋東西京冠蓋以輪蹄孔道而雲霞蒸於山水泉交於道竹木之秀桃李之華引人入勝如山陰道上名賢遊屐偶停觴咏流連而不忍去斯亦山川之幸也若所稱洛西神仙者築室却聘講學窮經四方豪俊翕然望以為歸且開義塾教子弟為邑文化啟山林鄉賢光俎豆雖客星實德星矣誰謂章甫適越而無所用之乎茲別尊之於人物而自白傳以下為寓賢一幀

唐

白居易 香山集過洛甯詩村杏野花繁似雪行人不醉為誰開賴逢山縣廬
明府引我花前勸一杯

按舊志載大傅慕洛甯山水竹林之堂遊寓於此而無所考據今查出集內有過永甯詩載之其曰盧明府即盧劉見唐書宰相世系表

張濟

唐書本傳河間人尚書右僕射致仕居洛長水墅劉季述亂致書諸

藩謀王室及昭宗幸洛朱全忠畏濟搆他鎮兵使牙將如盜圍墅夜屠其家

義士葉彥與濟善豫送子格入蜀少子潘走淮南

宋

文彥博

按舊志載文潞公致仕居洛陽與溫公遊洛甯山水之間事無依據惟考宋史潞公曾以洛陽節度使判河南府神宗導洛入汴主者過絕洛水入城洛人患之潞公奏令通行如初遂為無窮之利永甯瀕洛民亦蒙其澤故祀之於祠遂以入流寓耶祠見古蹟內

司馬光

語林溫公優游洛中不屑世務中秋與樂今子訪友洛汭過韓城抵

登封越轅轅遽達洛西

按舊志載溫公於流寓亦無所據語林內有達西洛一語聊可引據

金

薛繼先 金史本傳字曼卿南波後隱居洛西山中課童子讀書事母孝與人

交諛遜和雅所居化之子純孝字方叔有文風有詐為曼卿書與方叔取物

若曼卿年已老狀如少者客不知其為曼卿而以為方叔也而與之書曼卿

如所取付之監察御史石玠行部過曼卿曼卿不之見或言君何無鄉曲情

曼卿曰君未之思耳凡今時政未必皆善御史一有所刻將謂自我發之同

惡相庇他日憐里必有受其禍者其畏慎皆此類壬辰之亂病歿宜陽

張愈 續通志字少愚益州郫人博學通古為秘書郎辭官歸隱入青城山白

雲溪號白雲先生七召不赴性樂山水浮沅湘觀沂山升羅浮入九疑遊天

下二十餘年後遊驪山及韓嶽諸峯抵洛甯居焉

元好問 金史文學傳字裕之號遺山秀容人七歲能詩稱神童稍長淹貫經

史百家詩文備眾體為一時文宗學者皆遺山先生嘗採集詩篇名中州集

累官員外郎金亡不在流寓洛甯

元

辛愿 程鉅夫薛文靖公墓碑日與女几辛愿太原元好問等誦貫古學且以淑人伊洛之間復蔚然矣

金史文學博慮字敬之福昌人博極書史作文有繩尺詩律嚴多自得之趣性野逸不修威儀貴人延請麻衣草屨足脰赤露坦然於其間劇談豪飲旁若無人 新補

杜人傑 元薛元題杜人傑洛書賜禹詩石刻後止軒杜善夫先生天下士也以文章鳴於時以詩酒適其性達天命而混世俗者也五十年前嘗避地於長水游覽山川之勝槩性所嗜也 按人傑濟南人

張德直稷山人 吳傑南陽人 劉繪獻郡人 李國維緇州人 劉好謙解

梁人皆當時天下知名士與薛元誦貫古學於洛西者見程鉅夫墓碑中

姚樞 舊府志柳城人累官少傅退居於洛西洛甯與尚書賈捐之輩誦明古

學以樂林泉

完顏光祖 舊府志字顯卿開元人進士累官給事中元統間以忤時謫洛甯
薄民安政理嘗修洛西書院尚王廟後占籍家洛甯

明

耿裕 舊府志占籍洛甯卒葉長水

按明耿九疇傳虛氏人裕為九疇子明史本傳無占籍洛甯之語按府志稱裕墓在洛甯紫蓋山或以墓而入流寓耶

雷鳴皋 舊府志字舒陽虛氏人明崇正癸未進士歷官不得志放懷山水卜

洛甯居焉

溫廷樞 舊府志字伯庸能詩工行草書年少舉明經寇破洛陽徙永愛懈谷

山川遂家於此約同志張懋延師佐等十五人舉懈谷社張司馬為之叙

國朝

張燭 採訪事實字晦仲本福建詔安人父開康熙年間官副總兵以兵籍分

屯河南遂占籍洛甯居邑永安里煥性孝能古文辭亦留心實學有聲河洛
間

洛甯縣志卷之六

人民部

大年

國家深仁厚澤煦嫗覆育百有餘年動植飛潛皆得遂其滋榮之性民生其間
鮮天札昏厲鵠居穀食日月恬熙含哺鼓腹以游
堯舜之宇

皇上優獎耆年直省壽躋大耋者經督撫奏聞即予
旌揚每逢

大慶令州縣查舉老民註冊詳報賞給粟帛載在閭中榮且渥也洛甯地龐厚
多老民自四十五年以來兩沐

恩膏跪效

嵩呼之祝將使斯民日臻和順蔚為吉祥吹豳飲蜡桑柘影斜兒童扶醉

昇平盛世亦略見於金門鳳翼之間矣爰列叙姓名且紀其生平之有善足述者

乾隆四十五年

恩賞八十以上老民每名給絹一疋綿一觔米一石肉十觔

張東乙幼攻書長力田居家勤儉教子有義方嘗總理渠事盡事溝洫民田受其利者甚多

王臣醇謹渾樸勤儉端方閭閻咸奉為法

黃永素性質樸言動謹慎遇甕甕無告者不靳傾囊攸助至於種種小善尤不可屈指焉

梅作聖性好讀書恬靜寡言彬彬有儒雅風

崔九功端方慈善治家有法子迪已列成均孫玉振應童子試有俊稱吳有文處已誠樸待人惠愛治家教子有方鄉黨法之

朱元兆克紹詩書世業教其子入庠甫三年子天家益落獨撫襁褓孫苦而愈
貞閭里敬之

張瀚幼好學長力田孝友之聲藉藉人口

梁如棟孝事父母友愛兄弟重然諾恤孤苦嘖有賢聲

王振邦賦性質樸不事浮華善處家庭孝慈兼至

張寬字鴻儒其父遇祿有賢名鴻儒克繼其美事親孝教子孫咸列成均遇艱
寡孤獨者不惜出資以濟焉

韋全印幼時家貧竭力奉親與其二弟義不析居人皆難之教子孫攻書俱有
文名

張琴果敢正直慷慨好施一鄉之中聲稱藉甚

程先法

張瑄

戴九章

韋得寧

趙天爵

楊奇亮

吉愈敬

韋崇讓

乾隆五十年

恩賞八十以上老民同

梅作相耕讀傳家教其子長仁次義三智俱謹守有操

毛俊處已以約接人以謙遇飢寒者不惜解衣推食洵一邑之善人也

王士孝賦性寬和居家勤儉好周人急不矜己長鄉黨咸稱美之

賀朝力農為業生平無苟且事其子若孫克肖之

四逢春鄉賢諱理之裔也敦禮讓重信義好施與息紛爭至於平易道路廣利人行特其餘事

任秉直素性忠厚兼有慷慨聲

夏文元字紫封務農為業事其父庠生君璽以孝聞與兄弟處式好無尤周貧乏無德色鄉黨稱之

梁學曾事父至孝操行正直族黨羣推為族正云

梁學公事母至老有孺慕心嘗施同姓墓地及捨舊宅於人絕不自代人皆德之

宋文學明代工部尚書諱禮十一世之孫也以讀兼耕重然諾輕財利復善為人排難解紛子一全章孫一大成曾孫二繼唐臨唐繞膝承歡率皆以孝友聞

韋全印同前

秦自立

張紫俊

王相臣

雷太寧

夏其位

張學芝

郭全

雷重

乾隆五十五年詳請具

奏五世同堂老民

楊玉成現年八十四歲耕讀傳家持身醇謹接物謙和子一文謨孫四元仁元祥士清元善曾孫七三益三得三省三寶三畏三戒元孫一世昌繞膝承歡

均稱克肖同堂五世具慶一門洵屬
昇平人瑞茲已詳請 上臺具奏
旌揚矣